



# Тикрал къашайсса гьунарданул заллу

Майрай 110 шин хъанакъиссар РСФСР-данул лайкъ хъусса артист МахIаммад Мусалаев увну.

13  
лаж.



№21  
(2187)

2 ИЮНЬ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкIссар 1917 ш.  
Цунил итабакълан бивкIссар 1991ш.

## ТивтIунни ряхва цIусса садик



ОьрчIру буручаврил къини МахIачкъалалив Ипподром микро-райондалий оьрчIансса цIусса садик (№36) тIитIлатIисса шад-лугъ хьунни. Ваний гьуртту хьунни Дагъусттаннал БакIчи Сергей Меликов, Аьрасатнал просвещениялул министрнал хьиривчу Андрей Ни-

колаев, Аьрасатнал Обороналул министерствалул строительствалул управлениялул хьунама Астемир Абаев, республикалул кIулшивуртту дулаврил ва элмулул министр ЯхIия Бучаев, МахIачкъалалал мэр Юсуп Умавов ва Халкъунал Мажлисрал депутатътал.

### ПатIимат РАМАЗАНОВА

«ХIакьину Аьрасатнаву цIусса 11 садик тIитIлай буссар, вайннувату 6 садик – Дагъусттаннай. Гьунттиния тийнмай вай цIуну тивтIусса садикирта-вун занантIиссар 950 оьрчI. Ва шин къуртал хьуннин республикалий кIулшивуртту дулалисса 50 учреждение тти-гу тIитIинтIиссар, Дагъусттаннал оьрчIру ва нину-ппу ххари хьунсса ишру ялугълай буссар», – увкунни Сергей Меликовлул.

Андрей Николаевлул кIишI лавгунни, ОьрчIру буручаврил къини цIусса садикру тIитI-латIаву хIисаврайн ласунсса иш бушиву. Ва садик 200 оьрчIансса бур.

Вара къини Фонвизиннул цIанийсса кIичIираву тяхьасса цIагу дусса, «Колобок» тIисса садик (№60) тивтIунни. Шад-лугърай гьуртту хьунни республикалул премьер-министр Абдулмуслим Абдулмуслимов. Ва 60 оьрчIансса садик бур. Республикалий вара къини тивтIуссар цаймигу садикру: Хасавюртлив – 200 оьрчIансса, Буйнакский – 250 оьрчIансса, Чапур-Гьумук –120 оьрчIансса, вайк-ссава оьрчIансса Ботаюртлив-гу. Вай циняв садикру бувну бур «Демография» тIисса национал проектрал лагрулий.

## Вирттаврал къюкъьлуву жула Оьмаргу уссар



7 лаж.

НТВ-телекомпаниялул аьралий корреспондент Оьмар МахIаммадов ва видеооператор Рабадан БахIаммадов

Цалчинмур ШувкIратусса, МахIачкъалаливсса «Забидат» ООО-лул риелторгурал коллегиялул гендиректор, жяматий-сса ишккакку Забидат Абдуллаевал гьашину Ххувшаврил байран цамур кушуй хьунадакъинсса хIукму бувну бур: гьамин, Ххувшаврил къини ва уртакътурашал, Херсоннал областьрайн гуманитар кумаг биян бувансса мурад-рай, ххулийн бувккун бур. Ва нишал архIал Дагъусттаннал делегациялувух бивкIун бур «Великая община» тIисса жяматийсса ккурандалул хьунама МахIаммад Мусаев (вагу лакрал куяв ур), Дагъусттаннал халкъунал артистка Зульфия Илиясова ва балайчи Сиясат Халадаева.

КIива машиналий лавгун бур вай, КьиримнавухчIин хьуну Херсоннайн. Машинагу Забидал, бутталмур хьунмасса бунутIий, буттахъ була увкуну бур. Мияжан-ссар, цуппа чун наниссарив къабусун бур.

→ Ахир 6 лаж.

## Херсоннайн бивунни Забидат



## Дазурду дуручлацими лахъа-хъун бунни

Анриана АБДУЛЛАЕВА

Пограничникнал кьинилун хасну Дагъусттаннай хъусса шадлугърал мероприятиялий гуртту хъунни Дагъусттаннал Бакъчи Сергей Меликов.

Мероприятие хъунни М. Горькийл цанийсса Оьруснал театрлану. Залданул сахналия ккаккан дуллаи бия дазул кьуллугърал тарихрая бусласисса видеорду ва суратру. Шадлугърал мажлис титлай, ихтилат бунни Дагъусттаннал Дазул управлениялул хъунама Андрей Карпенкол. Дайди хъулий ванал дуркунни Аьрасатнал ФСБ-лул хъунама Александр Бортниковлул барча баву.

– Паччахълугърал дазурду дуруччаву мудангу ккаллину бивкиссар кьянкъасса, ччимур чумал душманнал хъхъич бавцуну, ватан дуруччин хадурсса кьучагътурал пишалан. Хакъинусса кьинигу Аьрасатнал дазурдал кьаралданий бавцуми лайкьну буручлай буссар кьуллугърал ирс, – тий ур Аьрасатнал ФСБ-лул хъунама.

Ляличинува кици лавгунни Аьрасатнал ва Украиннал дазул оьрмулун нигъачаву дусса шартгирдай кьуллугърал буллаи чувшиву ккаккан дуллалисса зузалт.

Ва кьини мукунма лахъа-хъун бунни кьуллугърал ветерантал.

– Дазу дуручлацими мудангу цакъсса паччахълугърал лишану, паракъатсса оьрмулул гьануну ккалли хъанай бивкиссар, – кици лавгунни Дазул управлениялул хъунаманал.

Ванал барчаллагъ увкунни даврил уртакътурахъ кьуллугърал бигарду лайкьну шаллу буллаи тий.

Украиннал дазул кьуллугърал бурж биттур буллаи жанну дуллусса пограничниктурал аьпалул баян бунни минутрайсса пахъ багъаву.

Андрей Карпенкол барчал-

Аьрасатнал дазул кьуллугъ сакин хъуну гьашину 105 шин хъанай дур. Кьинилуцун дархъусса мероприятияртту хъунни шалагу билаятрай кьуллугъ сакин хъусса май зурул 28-ний.



лагъ увкунни Республикалул Бакъчинахъ, шалагу руководствалухъ аьралитурал дуллалисса кьулагъасрахлу.

– Царагу погранзаства, царагу подразделение кьархъунни пишалул байрандалушал пограничниктал барча бан кьанттул управлениялул органнал вакилтал, дуклаки оьрчюру кьабувкисса. Цайми кьуллугъиртгашал цачусса харачатрайну жуша бивхъунни паччахълугърал дазул ххуттава бувкисса ишру хъун кьабитан. Шикку зий бур: «Дазу циньявннал цачу дуруччин аьркинсар» тисса кьайдалий, – увкунни А. Карпенкол.

Цала ихтилатраву Сергей Меликовлул кици лавгунни Аьрасатнал дазурдал кьаралданий бавцуми мудангу кьучагъсса, сивсусса бивкисшиву. Буттал Кьанттул цанийсса Хъунмасса дяьви нанисса чумалгу «щюлли кьяправусса» аьралитурал яргсса лажин чирчуссар билаятрал тарихраву.

Баренцево хъхъирия тийла хъуну, Лухъи хъхъирийн биянин, царагу дазул заства, амру кьабувкун, цирда дусса кьаная

сукку кьавхъуссар. Республикалул Бакъчинал увкусса куцуй, асланну талай бивкиссар хъхъичива хъхъичи душманнал гьужум кьамул бувсса дагъусттанлултал. Мунин барашинна дуллаи дур 1941 шинал июнь зуруй душманнай данди бавцусса Совет Союзрал Виричу Николай Подорожный, кьучагъсса аьралитал Иван Комаровлул, Баймурза Баймурзаевлул, Аьбидин Аьлисултановлул ва цайминнал чувшиврул.

«Жул пахру буссар дяьви кьуртал хъуну махъсса шиннардий, дазу жула кьатлул, шагърулул, буттал улкул, шалагу билаятрал дайди хъунахъишиву бивчлай, захъиматсса ва нигъачаву дусса кьанттурдай бигъа бакъасса кьуллугърал бурж бартбигълай бивкисса кьучагътурая. Ца мукунсса, хъуннасса агъамшиву дусса учасокран ккаллисар авгъан дяьвилул ххуллурду. Жунма мудар дакний бикантиссар цала интернационал ва граждана бурж даки марцину бартбигъусса аьралитал», – увкунни Сергей Меликовлул.

Тарихрал чьапив ххилту

дуллаи, регионалул бакъчинал дакнийн бивтунни цаймигу, циньявпа цачуну дазу дуручлан багъсса аьралий ишру. Миккугу дагъусттанлултурал ккаккан дурссар цалла кьучагъшиву. Мунин барашинна дуллалиссар Ухсавнил Кьавкказнавусса кьучагътурал кьюкьрашал талай жанну дуллусса Аьрасатнал Виртаврал – капитан Радим Халиковлул, старшина Мухтар Сулаймановлул, хъунама сержант Аьбдухалик Кьурбановлул ккаккан дурсса кьучагъшиврул.

– Хакъину, 80-хъул шиннардил хъхъичи кунма, жула билаятрал дазул захъиматсса тагъар хъасул хъуну дур. Цунилгу хъхъичи ххуттай бавцуну бур дазурду дуручлацими. Ярагъуннил гужирдашал, Росгвардиялушал, флотрашал, дазул кьуллугъгу паччахълугърал суверенитетрал ва тархъаншиврул гаранту хъанахъиссар, Дагъусттан билаятрал кьиблалул форпостну хъанахъиссар. Республикалул агъалинал чулухагу, ттула чулухагу барчаллагъ учин чай ура аьралитурал, граждана персоналданухъ ва управлениялул ветерантурахъ лавайсса даражаллий цала кьуллугърал бурж бартбигълагъаврихлу. Зу дазул бусса кьсса, цаягу оькьавку хъамаличу кьауххантиссар жучлана. Зу жул хъхъичи лекъакъай баруну бавцуну буссару. Жу зушал буссару, – увкунни Сергей Меликовлул ва чьа кунни пограничниктуран тийлабацуну.

Ва кьини хъхъичун ливчусса зузалтран дуллунни паччахълугърал ва ведомствалул наградартту. Мажлислал ахирданий ккаккан дунни концерт. Концертрал программалуви бия Дазул управлениялул балайлул ва кьавтлаврил ансамбьданул номерду, республикалул творчествалул коллективирттал балайлул ва кьавтлаврил композицияртту.

Дуниялул  
Гьунттулу

## Цусса хаварду ца-кьива ххуттайну

АЬРАБУСТТАННАЛ  
ЦАЛЧИНССА  
ХЪАМИТАЙПА-  
КОСМОНАВТ

● Райяна Барнави Саобдулла Аьрабусттаннал тарихраву цалчин космосраву левхсса хъамитайпар. Ва биомедициналул элмурдал магистр бур. 2014 шинала гуртту хъуну бур тренировкарттай, космосраву леххан ччисса хиялмур оьрчнийва цакъ хъуну бивкун бур ваниву. «Аьрабусттаннал агьулданун цалва билаятрал астронавт ккаккантиссар, ттул хиял бартлавгссар», – тий бур май зурул 21-ний космосраву левхсса Райяна. Жу хъхъичива бувсуссия Аьрабусттаннал тарихраву хъамитайпа цалчин самолётрал штурвалданухъ шьябикъишиву. Зувиллий мукъва хъамитайпа бур поездирттал машинистка хъулнугу.

РЕПРЕССИЯР-  
ТТАХЪХЪУН  
БИРИВМИННАН

● Къзахъисттаннал властирдал гьашину сайки шанма миллион доллардал (1,3 млрд тенге) харж буванттий бур политикалул репрессиярттахъхъун биривминнасса пособие хисаврай. Ва иширая баян бунни тайннал Захъиматрал ва социал иширттал министрствалул. Гьаршинахъ билаятрай май зурул 31-мур кьини кици лагайсса дур политикалул репрессиярттал кьиялухъхъун биривминнал аьпалул кьинину.

ИСКУССТВЕННЫЙ  
ИНТЕЛЛЕКТРАЛ  
КУМАГРАЙНУ

● Аьрасатнал Хъукуматрал баян бунни билаятрай яхъанахъисса миллатирттал мазру ябуваншиврул искусственный интеллектрайн буккантисшиву. «ИТ-компанияртгашал уртакъну «Аьрасатнал халкъуннал кьатта» зий бусса бур мазурдил гьанурдал технологиярттаха, онлайн-таржумарттаха. Аьрасатнал Кьулшивуртту дулаврил программарттал, искусственный интеллектрал кумаграл опыт буссар, ва опытрайн чул бившуну, миллатирттал мазру ябувансса давуртту сантирайн рутантиссар», – тий ур Миллатирттал иширтгалсса буллалисса федерал агентствалул (ФАДН) хъунама Игорь Баринов.

Хадур буссар  
Патимат РАМАЗАНОВАЛ

## Ватан дуручлациминнасса ка-кумаграл фонд

Зулайхат ТАХАКЪАЕВА

Микку гуртту хъунни ДР-лул Бакъчи Сергей Меликов, ДР-лул Хъукуматрал хъунаманал хъивривчу Аьбдурахман Махъмудов, захъиматрал ва социал лябуккул министр Мурад Казиев, цуллусса гьашиву дуруччаврил министр Татьяна Беляева ва цаймигу. Республикалул Бакъчинал жижара бунни хасъсса аьралий операциялий чувшиврий жанну дуллуннал кулпатирттахъ, гайннал оьзру шала республикалунсса кьурчшишиврун ккалли буллаи. Кици лавгунни хасъсса аьралий операциялий гуртту хъанахъиминнан ва гайннал гьан-маччаминнан чьарахъ бацунулул ххуллийсса давуртту дуллаи байбихъишиву ларгсса шинал бакърайва.

Дуклу мартрай тивтиссар «Все вместе» тисса фонд. Фондравунсса арцу дуклакиссар республикалул бюджетрал луртандалува, меценатътурая, депутатътурая, ишбажаранчитурая ва идартагал каялувчитурая.

Гьашину, Владимир Путинлул тапшур бивну, сакин буссар хасъсса аьралий операциялий гуртту

ДР-лул Захъиматрал ва социал лябуккул министрствалул кьатраву тивтунни хасъсса аьралий операциялий гуртту хъанахъиминнан кабакьулунсса «Защитники Отечества» тисса паччахълугърал фондрал отделение.



хъанахъиминнан ка-кумаг буллансса цасса федерал фонд, билаятрал гьарца регионалий отделениеартту тивтуну.

«Жува буручлай, бивкулийн лажинну бавцусса инсантурал вихшала диклан аьркинсар цала мачча-гьанминнал чьарава

бацлаврил ххуллийсса каширду ва чаранну ляхълай бушиврий кьинттулулх. Му давугу низамрай дачинтиссар», – увкунни Сергей Меликовлул.

Мероприятиялийн бивкминнан ккаккан дунни хасъсса аьралий операциялий гуртту

хъанахъиминнан кабакьулунсса «Защитники Отечества» тисса паччахълугърал фондрал хъунмур Анна Цивилевал оьвчаву. Цилгу бивсунни фонд сакин бивну бушиву хасъсса аьралий операциялул ветерантуран ва тикку ливтунминнал кулпатирттан хасъсса социал кумагру буллансса мурадрай.

СВО-лул гурттуци Камалуттин Юсуповлул барчаллагъ увкунни билаятрал ва республикалул каялувчитурахъ, захъиматрал ва лябуккул министрнахъ, аьралитурал кулпатирттахъ дуллалисса кьулагъасрахлу.

Филиалданул каялувчинал буржру биттур буллалисса Махъаммад Рашидовлул баян бунни ва фонд хъанай бушиву хасъсса аьралий операциялий гуртту хъанахъиминнан федерал ва региондалул даражаллий ка-кумаг баврил ххуллийсса ца чаранну.

Ахирданий республикалул каялувчитурал ххал дунни Фондрал кьатри. Шикку бур 11 административ кьатта: конференц-зал, оьрчюру бьялахъайсса кьатта, психологнал кабинет, библиотека ва чьивусса цаймигу. Фонд зий байбихъуссар июндадул 1-ний.

## Цуллушиву дуруччаврил масъалартту хьхьичИххуттай

Май зурул 29-нний ДР-лул Хикуматрал Председатель Абдулмуслим Абдулмуслимовлул каялувшиндарай хьусса заседаниялий ххал бивгьунни цуллушиву дуруччаврийн багъайсса цаппарасса масъалартту.



Имара САИДОВА

Совещаниялий сукку бунни мюршисса оьрчал цуллушиву дуруччаврил, цуллу-сагъшиву дуруччавриха зузисса 1-мур звенорал даву цу дуккан даврил программалул, медициналул идарартту баврил ва цаймигу масъалартту.

Абдулмуслим Абдулмуслимовлул бувсунни, регионалийсса цаппара медициналул идарарттайн иянсса ва миннул даву ци тагъарданий дуссарив ххал дигьинсса пикрилий ушиву. Кици лавгунни хьхьичИва-хьхьичИ иян чай ушиву Республикалул онкологиялул центрданийн ва Республикалул клиникалул азархалийн.

– Дагъустаннал БакИчи Сергей Меликовлул тапшур бунну буссия цуллу-сагъшиву дуруччаврил ххулийсса цаппара масъалартту, хьирив бивзун, ххал бивгьин. Цуллушиву дуруччаврил идарарттал цаппара отраслардаву диялдакъашивуртту аьл-

ект 78 % дузал хьуну бур. Объектрал строительство дайдирухьуния шийннай ванин итадаркьуну дур 1 млрд арцул. Строительствалул ялув бацавуртту дуллалисса хасьсса органная тIалав буллай ура объект анаварсса мутталай кьуртал бансса чаранну льякьаву, – увкунни вице-премьернал.

Совещаниялул хIасиллу дуллай, Абдулмуслим Абдулмуслимовлул кици лавгунни цуллу-сагъшиву дуруччаврил аралул даврин аьркинсса шартIру дузал даву.

Хьирив махъ лавхьунни Татьяна Беляевал. Ванил балжину бувсунни «Модернизация первичного звена здравоохранения Республики Дагестан» тIисса паччахIлугьрал программалул лагурий дуллалисса мероприятие. Гьашину ва программа дузрайн дуккан даврилун итадаркьуну дур 1,269 млрд арцул. Май зурул 25-ннийн бияннин дурну дур 1,187 млрд арцунсса паччахIлугьрал кьутIирду. Дузал шавай дур 2 млн арцунсса кьупти.

Ахирданий Абдулмуслим Абдулмуслимовлул дунни цаппара министрствардайнсса ва жаваблувсса органнайнсса тапшурлуьру. Республикалул Цуллу-сагъшиву дуруччаврил министрствалийн тапшур дунни 2023 шинал федерал бюджетрава миллатрал проектру дузрайн дуккан даву мурадрай итадаркьуну арцу декабрь зурул 20-ннийн шаллу-ккурккуну ишла даву. Дагъустаннал Строительствалул, архитектуралул ва ЖКХ-лул министрствартайн тапшур бунни Республикалул туберкулезрайн кьаршисса диспансерданул строительство кьуртал даврил ялув бацаву.

тту шаврийн бунну, тIалав бунну бия миннул ялув бацаву дан, – увкунни Абдулмуслим Абдулмуслимовлул.

Онкологиялул центрданул хIакъираву кици лавгунни гьашину шикку зузи дан аьркиншиву радиотерапевтикалуцIун дархIусса утизаманнул оборудование.

Абдулмуслим Абдулмуслимовлул вице-премьер АьвдурахIман МахIмудовлулн ва Дагъустаннал цуллу-сагъшиву дуруччаврил министр Татьяна Беляевайн тапшур бунни республикалий лахъа-хьунсса даражалый дуван демографиялул масъаларттал хIакъиравусса мероприятие.

Кици лавгсса агьамсса масъаларттавацца цану бия 320 инсанансса кIантту бусса Республикалул туберкулезрайн кьаршисса диспансерданул строительство кьуртал даврил хIакъиравусса. Объектрал строительство дур лахъи ларгун, му дуллай байбивхьуну бур 2006 шинал.

– Цанансса ппурттуву му объ-

## ЛичИ бунни усттарсса пишакартал

Майрал 30-нний МахIачкьалалив хьунни мушакъатшиву дусса оьрчал даянвсса «Абилимпикс - 2023» чемпионатрал хIасиллу дуллалисса шадлуьгьрал даражалийсса мажлис.

Имара САИДОВА

Шиккува кици лаган, «Абилимпикс» чемпионатрал даву духлай дур «Профессионалитет» тIисса Федерал проектраун.

Чемпионатрай хьхьичИунсса кIантурду бивгьусса пишакартал барча бан бивгьун бия Республикалул личИ-личИсса министрствартал ва ведомствартал вакилтал.

«Цинявпагу гьурттучитуран ва хьхьичИунсса кIантурду бивгьусса пишакартуран чIа тIий бура Аьрасатнаву хьунтIимур чемпионатрайгу тIайлабацIу. ЛичИнува барчаллагь учин чай бура жагьилсса пишакартал хIадур буллалисса, миннавун пишарду лахъхьин гьирашавкь рутлатисса жула педагогтурахь», – увкунни ДР-лул дуккаврил ва элмулул министрнал цалчинма хьиривчу Аида ПалхIатовал.

Хьирив ДР-лул дуккаврил ва элмулул министрнал хьиривчу ХIажимурад МахIаммадовлулгу гихунмайсса бьест-ччаллаву тIайлабацIуртту чIа увкунни.

«Абилимпикс» чемпио-



натрал суккушинна чялишну хьхьичИуннай най дур. Исват хьунни, цуллушивурлул ссуссу-

кушиву дусса оьрчIаша, чемпионатрал кумаграйну ччимур пиша язи бивгьуну, зун бюхъайшиву. Махъсса ппурттуву хьунансса кьулагъасрайн ласлай бур укунсса оьрчIру давурттал дузал баврил масъалартту», – увкунни «Абилимпикс» чемпионатрал комитетрал член Наталья Крельдул.

ДакIнийн бутанну, май зурул 25-ннийн 29-ннийннин МахIачкьалалив, Дарбантлив ва Хасавюртлив най бивгьИшиву «Абилимпикс - 2023» чемпионатрал бьест-ччаллу. Вай бьест-ччаллаву гьуртту хьунни республикалул 50-хьул дуккаврил идарартта-ясса 136 инсан. Чемпионатрал хIасиллу дуллай, 28 журацца пишалул магьришиву ккаккан давриву язи увгьунни 84 инсан.

«Абилимпикс» миллатрал чемпионатрал финал хьунтIиссар октябрь зурул 20-23-ннийн Москвавил «Гостиный двор» тIисса Выставкарттал центрданий.

### Объявление

Утерянный аттестат № 00518001947495 о среднем образовании, выданный МКОУ «Новокулинская СОШ № 2» имени Аметхана Султана в 2020 году на имя **Муртазалиевой Миланы Магомедовны**, считать недействительным.

МахIачкьала шагьрулул Депутатьтурал мажлисрал 32-мур сессиялий МахIачкьала шагьрулул бакIчину увчIунни 61 шинавусса Умавов Юсуп Джанбеклул арс. Ваниннин ва ДР-лул Халкьуннал Мажлисрал Промышленностьрал, ЖКХ-лул, транспортрал ва ххуллул хозяйстволул комитетрал каялувчину ивкIиссар.

## МахIачкьала шагьрулул цIусса бакIчинацIунсса умудру



Бадрижамал АБЛИЕВА

Увну ур Юсуп Буйнакскаллал райондалийсса Кьадардал шяраву. Ва ур экономикалул элмурдал кандидат. Кьурахьул шиннардил мутталай зий ивкIун ур паччахIлугьрал личИ-личИсса кьуллуьгьирттай. 2008-2013-ку шиннардий ва ивкIиссар ДР-лул Строительствалул ва ЖКХ-лул министрстволул ВацIлул хозяйстволул агентстволул каялувчину. Юсуп Умавов ивкIиссар Республикалул президентнал маслихIатчинугу, Республикалул строительстволул ва ЖКХ-лул министрнугу, мукуна ДР-лул машлул ва кьатIаллишалсса экономикалул дахIавурттал министрнал буржру биттур буллалиману, машлул ва инвестициярттал министрну. УвчIуну ивкIиссар ДР-лул Халкьуннал Мажлисрал депутатнугу.

Вай бувчIавурттай шагьрулул 41 депутатнава 38-ннал чIурду буллунни Юсуп Умавовлухлу. Ваниннин ванащал финалданнийн мукуна бувкьсса Арсен МахIаммадов ва Имам Рамазанов.

Вай бувчIавуртту цукун ларгсарив бувсунни МахIачкьала шагьрулул Депутатьтурал мажлисрал председатель Марис Илиясовлул:

– ХIакьуну шаллу хьуссар шагьрулул бакIчи увчIачИсса конкурсерал 3-мур этап. Шагьрулул Депутатьтурал мажлисрал сессиялий бивсса хIкумулийн бунну, шагьрулул бакIчину хIакьунуния тийнай хьанахьиссар Умавов

Юсуп Джанбекович. Ва иширашал МахIачкьала шагьрулул цинявпагу инсантал барча буллай ура. Хьунансса агьамшиву дуссар цала кIанай, «и.о.» акъача, шагьрулул 5 шинал манзилданийсса бакIчи ушивурлул, най нува цалла дуллан нанисса даврил стратегиялул плангу сакин дурну, гьарца давринсса чIунгу хIисав дурну зий айишин бюхълахьисса. Умуд бур, уттинин кунма, ттиния тийнмайгу МахIачкьалаллал шагьрулул Депутатьтурал мажлис шагьрулул администрациялуцIун уртакьну зунссар тIисса. Мукуна умуд бур цIусса каялувчинашал цIушиннарду, хьин чулиннайсса дахIанашивуртту хьунссар тIисса. ЦIусса каялувчи – му мулангу цIусса ургавур, цIусса пикирдур. Юсуп Джанбекович цувагу хьунансса опыт бусса, уттинингу личИ-личИсса структурардай каялувшиву дуллай ивкIисса инсан ур, мунияту дакI дарицIуну буру хьхьичИунмай нанаврил цIусса этап шагьрулул мажлисрайгу, шагьрулул администрациялийгу дайдишинтIишиврий, жувагу ва шагьрулий цимирагу шинай салкьи хьанай диркIисса захIатшивурттавату чан-чанну тIий булкай байбишинтIишиврий. Жунма цинявннанмагу кIулну бия шаллу буван аьркинсса, чулу хьусса вай циняв масъалартта, вайнуну шимилгу ва шиксагу ихтилатругу шайва. Умуд бур, цинявнналагу кумаграйну – Республикалул БакIчиналгу, Хикуматралгу, Халкьуннал Мажлисралгу хIала бухаврийну, вай цимурца шаллу хьананссар тIисса, – тIий ур Марис Илиясов.

## Жяматийсса палаталул цIусса сияхI цIакь дунни

Ва гьантрай Дагъустаннал Жяматийсса палаталул члентурал сияхI Вцу дуккан дунни.

П. РАМАЗАНОВА

Закондалийн бунну, Жяматийсса палаталувун 45 инсан кьамул увайссар, вайннавату 15 инсаннал царду ришайссар Дагъустаннал БакIчинал, вайкьссара – Халкьуннал Мажлисрал, ливчIминналсса ккаккан дурсса кандидатурардава язи дургьуну. Жяматийсса палаталул цIусса члентуравух бур Дагъустаннал Хьаннил союзрал хьунмур Интизар Мамутаева, «Лезгинка» ансамбльданул каялувчи Жамбулат МахIаммадов, «Дагъустаннал правда» кази-

трал хьунмур редактор Бурлият Токболатова ва цаймигу бусравсса активисттал.

Лакрал чулуха цIанансса палаталуву цIакь бунну бур: Ссапарбаг Абдуллаев, Энгельс ХIажимахIаммадов, Мямма Мяммаев, Айгун МахIаммадов.

Ссапарбаг Абдуллаев мьялчинни увчIачИсса Жяматийсса палаталувун, ва хIасул бивсса 2006 шинай шийнай зий уссар, даврил ххуйсса хIасиллу ккаккан дуллай. ЦIуну бивчIуминнан ва цIунил цIакь бивсса цинявннан чIа тIий буру агьалинан хайр-монпатранну зунсса цуллушивугу, гьирагу.

Ккуллал райондалия

## Гъашинумур форумрал дия онлайн-къяйдагу

Май зурул ахирданий Дагъустаннай «Бургил зума» тисса маорчансса лагерданий хъусса Дунияллул халкъуннал дянивсса жагылтурал динийсса форум ци даражалый лавгсарив бувсунни журналисттурахъ «Дагестан» РИА-лий Миллатрал политикалул ва диннал иширттал министерствалул отделданул хъунама Заур Уруджевлул ва Муфтиятрал просвещениялул отделданул хъунаманал хъиривчу Умар Абакаровлул.



Патимат РАМАЗАНОВА

Вайннал бувсунни ва форумрал лагрулий Москвавил-

ясса, Свердловскаллул улкляясса, Санкт-Петербурггяясса, Аштарханнаясса, Луганскаллул Халкъуннал Республика-

лиясса студентьтал спикертурал лекциярттах вичИ дирхуну бивкИшиву ва гъашину форум онлайн-къяйдалий най бивкИшиву.

«ЛичИ-личИсса диннал вакилтал цачИун бавтИун, дакИру ца дурну, агъамсса масъалартту ххал бигълагьисса укунсса форумру анжагъ Дагъустаннай-ри шайсса, ва уникальнейсса форумри», – увкунни Уруджевлул. Умар Абакаровлул кИчи лавгунни, форумрал ца гъанумур мурад бушиву агъалинан динная бусу-укурдал журалийсса дурчИала къадиканшиврул, эксперттурал ащуйн шусса ихтилатирттал мягна лаласаву. «Форумрай эксперттурал ач бунни дуняллий хъанахъисса иширттал хлакъиравусса бусурманнал, ххачпараснал, буддисттурал ва ягъудинал тарапру, кувннан кув къабувчИавуртту дакъая, ялунгума дия кувннан кув бувчИин ччишиву, интерес», – увкунни ванал.

Форумрай гьуртту хъуми бивну бур Нарын-Къалалингу, хъунабавкъуну бур республикалул вузирттал студенттурашал, форум най бивкИсса лагерданий тиккува бувгъуну бур мухьругу.

## Чъяву къатрал дузалшиннарал хлакъираву

Май зурул 31-ний «Дагестан» РИА-лул редакциялий «Открытая власть» проектрал лагрулийсса ирглийсса пресс-конференция хъунни ДР-лул Жилищный инспекциялул каялувчи Сергей Касьяновлушал. Шикку ххал бивгъунни чъяру зивурду дусса къатрал хИаллихиннарду дузал дуллалисса компаниярттал лицензияртту ласаврил масъалартту.

Имара САИДОВА

«Хлакъинусса къини Дагъустаннай вай компаниярттан рееструду булайсса сияхИрай бур хИаллихиннарду дузал дуллалисса 170 идара. Миннува 117 идаралул уттигу булун бувар лицензиярттал чИун лахъи дансса документру. Ва сияхИрава тIурча, так 65 компаниялул булуну бур лицензияртту цIу дуккан дансса до-

кументру. Вайннавагу так 56 компаниялул документру къамул бивну бур ПаччахИлугърал жилищный инспекциялул. МуниИун бавхИуну, июнь зурул 1-ний тийннай, дахханашивуртту хъун най дур лицензияртту дулаврил реестрдануву. Лицензияртту ласунсса документру къабуллусса компанияртту дуккан дантИссар реестрдал сияхИрава», – увкунни Дагъустаннал реги-

ондалул жилищный инспекциялул каялувчинал.

Масалдаран, УнцIукIуллал райондалий июнь зурул 1-ний тийнмай сайки 40-хъул къатри дусса ца управляющий компаниялуца хъун тий бур.

Касьяновлул бусаврийн бивну, лицензияртту зерххусса компаниярттал давуртту дацIан дуресса хИаллай къатрал хИаллихиннарду дузал даврий каялувшиву дулландИссар бигарду чIумуйнусса бакИрайн лавъсса администрацияртту.

Ахирданий, Касьяновлул жавабру дуллунни журналисттурал суаллахъхъун.

## Дайдирхъуссар паччахИлугърал экзаменну

Вай гъантрай «Дагестан» РИА-лул редакциялий хъунни ДР-лул дуккавил ва элмулул министрнал хъиривчу Аида ТIалхIатовал пресс-конференция. Ва хас дурну дия 2023 шиналсса паччахИлугърал экзаменнайисса хIадуршиннардан. Дагъустаннай цалчинсса ЕГЭ-рду дайдилахъиссар май зурул 26-ний ва ОГЭ-рду май зурул 24-ний.

Имара САИДОВА

Аида ТIалхIатовал бусаврийн бивну, низам дуруччаву мурадрай, гъашину, ЕГЭ-рдай бакъассагу, ОГЭ-рдайгу бивхъуну бикIантИссар видеокамерату.

«ЕГЭ-рдал хлакъираву личИличИсса чIявусса ихтилатру баллан бикIай. Гъай-гъай, дур вай экзаменнал чIярусса къулайшивуртту ва цаппара диялдакъашивуртту. Ци чулийгу, исват хъунни агъаммур мурад кIушливурттал даража гъаз баву хъанахъишиву. 2023 шинал ЕГЭ-рду дулунсса сияхИрай ур 13 азара дуклаки оьрчI, миннава 10 азара - гъаши-

ну школа къуртал бувсса. ОГЭ-рду дулунсса сияхИрайн лавсун ур 40 азара дуклаки оьрчI, мигу ларгсса шинаяр 12 азара ххишаласса хъанахъиссар», – увкунни Эльмира ТалхIатовал.

КИчи лавгунни, ГИА-рду дулунсса дуклаки оьрчIру гъарза шаврийн бивну, вай экзаменну къамул дулландИссар ххишаласса пунктругу тIитИин багълай бушиву. Гъашину ЕГЭ-рду къамул дулландИссар хъуну бур 74 пункт, миннува 64 бур кIушливуртту дулаврил идарарттай тIивтIусса. Му бакъассагу, хIисаврайн лавсун, тIивтIуну буссар дуснакъ бувсса кIантурдай

ва цала ичIура кIушливуртту ласалай бивкИминнанссагу пунктругу.

«2021 шинал Дагъусттан ГИА-рду тIайлану хIасул даврил чулухасса рейтинграй 84-мур ххуттай бур. Гъашину тIурча, вай экзаменну хIасул даврил чулуха Дагъусттан 15-мур ххуттайн лавхъун буссар. Мунияргу хъхъичI бикIанссия, агана интернетравун шанна КИМ къадагъссания», – увкунни Аида ТIалхIатовал.

Ванил бувсунни мукунма шинал дайдихъулийра дачин дурну диркИшиву ЕГЭ-рду ва ОГЭ-рду дуллалисса дуклаки оьрчIру хъовсул буккан къабитаву мурадрайсса давуртту. Школарттай вай оьрчIащал хъунабавкъуссар психологал, собраниярттай бувчИин буссар нитти-буттан оьрчIащал тIайлану къушцу тIунсса куц.

Ахирданий ТIалхIатовал жавабру дуллунни журналисттурал суаллахъхъун.

## Бигъалаган тIий бур 34 азарунния ливчусса оьрчIру

Вай гъантрай Дагъусттаннал БакИчи Сергей Меликов гьуртту хъунни АьФ-лул ХIукуматрал председателналь хъиривчу Татьяна Голиковал каялувшиннаралусса совещаниялий.

Имара САИДОВА

Шикку ххал бивгъунни регионнай гъинттулсса чIумал оьрчIал цIуллушиврул ялув бацIаву дуллалисса кампаниялул хIадуршинна ссайн дирну дуссарив. Вице-премьернал чIурчIав дунни ялув бавцIуну язи бугъан аьркиншиврий гъинттулсса бигъалагаврил чIумал оьрчIру дукрардал шаллу булландИсса поставшиктал. Дукиялул дузалшинна дуллалиминная тIалав дунни санитар-эпидемиологиялул тIалавшиннарду дуруччин аьркиншиву.

«Ларгсса шинал, оьрчIру бигъалагайисса идарарттай дагъайсса кушуй шартIру дузал дурну диркИнугу, тикрал хъунни оьрчIру загърулул хъусса, лякълул инфекцияртту дирсса ишру», – увкунни Татьяна Голиковал.

«Орленок», «Смена» шалагу Аьрасатнал оьрчIал центрдайн, мукунма «Артек» тIисса дуняллул халкъуннал дянивсса центрданийн гъан бан тIий бур Дагъусттаннаясса 450-нийн бивсса оьрчIру.

Совещаниялий личИсса къулагъасрайн лавсунни гъинттулсса лагерду тIитИин нанисса 600-нийн ливчусса кIушливуртту дулаврил идарартту ва цIуну тIитIлатИсса 6 стационар лагерь.

2023 шинал Аьрасатнаву ва кампаниялун итабавкъуну бур 68 миллиард арцул, бигъалаган бюхан тIий бур 5,1 миллион оьрчIаща.

Дагъусттаннай гъинттулсса чIумал оьрчIал цIуллушиврул ялув бацIаву дуллалисса кампаниялул даву най дур хасъсса ведомстварттал дянивсса комиссиярттал ялув бацIаврийну. ХIадур дурну дур ххуллул карта, дялахърулул ва спортрал мероприятиярттал план, шаллу булландИий бур оьрчIал цIуллу-сагъшиву дуруччаврил ялув бацIлацИисса идарартту цIу буккан баврил ва бакъин баврил масъалартту.

ОьрчIру бигъалагаврил масъала хъхъичИххуттайн лавсун бур Дагъусттаннал БакИчиналгу.

ДакIнийн бутан, 2022 шинал август зуруй Сергей Меликовлул баян бувссия цIусса сезондалийн ччянива хIадур хъун аьркиншиву.

«Ва масъала шаллу бан аьркинссар республикалул ва муниципал властирдал, кумаг бан аьркинссар педагогтурал ва меценаттурал», – увкуссия таний Сергей Меликовлул.

Гъашину республикалий

Гъашину республикалий тIитИин тIий бур 199 гъинтнил лагерь, микку бигъалаган бюхан тIий бур 34 азарунния ливчусса оьрчIаща.

тIитИин тIий бур 199 гъинтнил лагерь, микку бигъалаган бюхан тIий бур 34 азарунния ливчусса оьрчIаща. «Орленок», «Смена» шалагу Аьрасатнал оьрчIал центрдайн, мукунма «Артек» тIисса дуняллул халкъуннал дянивсса центрданийн гъан бан тIий бур Дагъусттаннаясса 450-нийн бивсса оьрчIру.

ДР-лул кIушливуртту дулаврил министерствалул ларсун дур оьрчIан украсса путевкартту.

ОьрчIащал зунтИисса пишкартурал ялув хъинну бацIантIиссар. Даврийн къамул буллалисса чIумал ххал дантИссар миннал лахъай азардаясса вакцинация дурну дуривгу. Дагъусттаннал кIушливуртту хъхъичИуннай даврил институту вожатыйтал хIадур буллай байбивхъуну бур февраль зуруйва. Гъашину хIадур буллай бур, педагогтал бакъасса, лавайми курсирдай дуклакисса студентталгу. Ми хIадур булландИий бур психологиялул, игротехникалул чулухагу. Районнай ва шагърурдай оьрчIру бигъалагансса шартIирдал ялув бацIантИссар районнал ва шагърурдал бакIчитал. Ми ялув бавцIуну бикIан аьркинссар дукиялул ва медициналул шаллушиннарал. Му даву цукун най дуссарив къимат бишунтИссар ялув бавцIусса органнал бакъассагу, цала оьрчIал ва нитти-бутталгу. Анкета дуцИин дан хъунтИссар ДР-лул кIушливуртту дулаврил министерствалул сайтрай ягунину-ппу оьрчIачIан лагерьдайн бувкИсса чIумал.

СВО-лий гьуртту хъанахъиминнан кумаг баву мурадрай, ДР-лул кIушливуртту дулаврил министерствалул бантIий бур сменарду «Солнечный берег» тIисса центрданий. Гъашинусса гъинттул шикку бигъалаган тIий бур Донецкаллул ва Луганскаллул республикарттаясса оьрчIру.

Совещаниялий мукунма гъаз бунни оьрчIру бигъалагайисса объектру цIу буккан баврийн багъайисса масъала. Бакъингу бивну, ххишаласса инфраструктура дан тIий бур Буйнакскаллул, Къызлардал, Тарумовкаллул, Къарабудахкентуллул, Хасавюртуллул районнайисса 8 идаралий.

2026 шинайнин инфраструктуралул объектру цIу буккан баврийну 12 инсан ххишалану къамул ан бюхан тIий бур.

## Щуссалакрал райондалия Хушрай аьралий операциялий гьуртту хьун лавгунни

Май зурул 30-нний Щуссалакрал райондалия тIайла увкунни, контракт чирчуну, хушрай аьралий операциялий гьуртту хьун нанисса ххюя жагьил.



Жагьилтал тIайла буккан увкIун ия райондалул бакIчинан кIанайсса Сулайман Рамазанов ва Счетрал палаталул председатель Аьвдурашид Буттаев, ду-стл, гьан-маччами.

Жагьилтурал хьхьичIва баян буну бия райондалул каялувчитуран цивппа хушрай аьралий операциялий гьуртту хьун гьан ччай бушиву. МиннацIун бавкьунни райондалул хьунимигу.

КIицI лаган, Щуссалакрал райондалия хушрай аьраин наними чансса бакьар. ХIакьинусса кьини тикку гьуртту хьанай ур райондалиясса 300 жагьил. Вай циняв аьралий оьрмулийн вардшисса бур. Нацистьтал ва террористьталгу бат буну, цIулуну занахьуннав жула арсру!

## Дазурду дуруччултрал кьинилун хасну

Щуссалакрал райондалул школарттай дирхьунни Погранич-никнал кьинилун хас дурсса дарсеру. Пограничникнал кьини жула билаятрай кIицI лагайссар майрал 28-нний.

Дарсирдай ккаккан дунни пограничникнал кьуллугьраясса видеосюжетру. Дуклаки оьрчIал дурккунни назмурду, увкунни балайрду, дирхьунни суратру. Мукунма оьрчIал хIадур буну

ну бия кьинилун хасьсса чIирал кказит.

Кьуллугьрал бурж бартбигьлай жанну дуллусса погранич-никтурал аьпалун баян бунни минутрайсса пахь багьаву.

## Балугьравун кьабивминнащал хьунабавкьунни

Щуссалакрал администрациялчIасса Балугьравун кьабивмин-нал иширтгалсса буллалисса ва миннал ихтиярду дуручлачи-сса комиссиялуд вакилтал бивунни райондалул школарттайн.

Вайннавух бия комиссия-луд хьхьичIунсса пишакар Лиана Маматиева, райондалул азархана-луд нарколог-психиатр Шабика Аьлиханова, балугьравун кьабив-миннал иширтгалсса байсса под-разделениялуд хьунама инспек-тор Тимур Шавлукьов ва мура под-разделениялуд инспектор Раджаб Хайбулаев, Агьали давуртгал дузал байсса центрданул пишакар Мина-жат Манапова, уголов розыскрал

отделданул оперуполномочен-ныйтал Рауль Султанов ва Сулай-ман ХIаммадов. Вай школарттайн бияврил мурад бия балугьравун кьабивми экстремизмалуд ва тер-роризмалуд иширттавун кIункIу хьун, закондалуцIун кьадаркьусса акциярттавух гьуртту хьун кьаби-таву, миннал дянив гуж-кьия дав-риясса информацияртту ппив хьун кьабитаву.

Дуклаки оьрчIашал бунни

кьалиян учавриясса, хIан хIа-чIавриясса, мукунма наркоти-кирттаясса нигьчIавриясса их-тилатру. Бувсунни вай иширтгал хIакьиравусса федерал законная. Комиссиялуд пишакарнал бувчIин бунни балугьравун кьабивми сьят 22.00 хьуния махь хьуними архIал бакьана жяматийсса кIанттурдай бикIан кьабучIишиву. ОьрчIахь бувсунни закон кьакIулшиврул уго-лов ва административ жавабрая му-рахас кьабайшиву.

ХIадур бувссар  
Анриана АБДУЛЛАЕВА

## Лавгунни кьуллугь бан

Щуссалакрал райондалия повесткартту дуркIсса цинявппа призывниктал лавгунни аьралуннаву кьуллугь бан. Интнил призыврал кампания най дур цила нирхияр.

Анриана АБДУЛЛАЕВА

Райондалул бакIчинан кIан-найсса Сулайман Рамазанов цува гьарица шяравун иллай, шяравал-лал бакIчитурашлал, жяматрал ва-килтурашлал, призывниктурашлал ва миннал нитти-бутташлал хьуна-акьлай икIаврийнугу призыврал кампаниялуд хIасиллу районда-лий ххуйсса хьунни. Райондалул бакIчинан бувчIин бунни призыв-рай аьралуннавун бувцуми хась-сса аьралий операциялий гьурт-ту кьахьунтIишиву, мукунма мин-нал Аьрасатнал цIусса регионай кьуллугь кьабуллантIишиву. Вай гьантрай аьралуннаву кьуллугь бан лавгунни ХIамзатлуд арс Ати-ев Муса. Ва тIайла уклай бия цал-чинсса гьантрая шихунмай, кон-тракт чирчуну, хасьсса аьралий



операциялий гьуртту хьанахьис-са кIиягу уссу. Вай кIиягу личIи-личIисса наградарттан лайкь хьус-са ур. Аьралуннаву кьуллугь бан лавгсса Мусал ппу Авгьан дяьви-луд гьурттуци ур.

Щалагу дунялий кIицI лагайсса ОьрчIру бур-руччаврил кьинилун хас дурс-са «Играй, гармонь любимая!» тIисса мероприяте хьунни ЧIайннал шяраваллил культу-ралул кьатлуву. Ванил сиптачи-ну хьунни ЧIайннал шяраваллил культуралул кьатлул хьунмур СалихIат Алхасова.

Имара САИДОВА

Гьарица шинах оьрчIал бай-ран лавайсса даражалый тIайла дуккан хьунмасса захIмат бишай СалихIат Алхасовал. Ва ххул-лукьсса байрандалул мажлис тIитIлай, оьрчIру барча буллал-исса ихтилатгу бунни ванил цилва. КIицI лавгунни жува цинявппагу оьрчIахлу хьуннасса жаваблун-шиву дуруччин буржлуну буши-ву. Гьарицагу оьрчI ниттил ва бут-тал дянив хьуна хьун аьркинши-ву, оьрчIан гьарицагу лахIазалий нитти-буттал ччаву асар хьанай дикIан аьркиншиву. ЧIа увкун-ни оьрчIан тяхьасса оьрчIшиву,

## Аьпалул турнир

Щуминалийсса Щуссалакрал шяраву «АхIмад-Хан» тIисса спортзал-дану хьунни чIаважагьилтурал дянивсса дзюдорал турнир. Ва хас дурну дия СССР-данул лачIун уккавил чемпион, СССР-данул спортрал хIурмат бусса мастер, Шалагу дунялдул универсиадалул призер, маш-гьурсса спортсмен Амирханов Амирхан Исял арнал аьпалун.



маллуравух ия Олимпий чемпион Ширвани Мурадову.

Спортрал бьаст-ччаллу бачин буну ия Амирхан Исяевичлуд арс Амирхан Амирханов.

Цува Амирхану цIанихсса спортсмен ур, ва цимилгу хьуну ур кикбоксинграл ва каруннай би-яврил Дагьусттаннал, Аьрасатнал ва СНГ-луд первенствалуд чемпи-он ва призер.

ЧIавусса болельщикталгу бавтIун, турнир най дия 2 гьант-луд мутгалый. Турнирданий 1-сса, 2-сса ва 3-сса кIанттурду бувгьун-ни Щуссалакрал райондалул 1-мур ДЮСШ-рал спортсментурал.

Соревнованиялий гьуртту хьун-ни Дагьусттаннал, Ингушетиянал ва Кьазахьисттаннал спортшко-ларттаясса 166 спортсмен.

Турнирданул бусравсса хьа-

## ПаччахIлугьрал экзаменну

Май зурул 30-нний Щуссалакрал райондалул 9-ми классиртгал вы-пускниктурал дулунни общественаниялуд, информатикалуд ва ИКТ-луд, географиялуд, ПаччахIлугьрал (ОГЭ ва ГВЭ) экзаменну.

Экзаменну дулунни Щусса-чIуртгациялуд ва Щуссалакрал шко-ларттай тIивтIусса пунктирдаву. ЩуссачIуртгациялуд школалий эк-заменну дулунни 250 оьрчIал, Щуссалакрал 1-мур школалий - 286 дуклаки оьрчIал. Выпускной экзаменнава дуклаки оьрчIал язи дургьунни цанна дуклан буххайни дучIи хьунтIисса предметру. Ин-форматикалуд экзаменну дулла-

лийни ишла бан бюхьлай бия ком-пьютерду. Экзаменнал хIасиллу кIул дан бюхьантIиссар июнь зу-рул 15-нния тийннай.

ДакIнийн бутанну, 9-мур клас-срал выпускниктурал май зурул 24-нний дуллушиву тарихрал, физикалуд ва биологиялуд эк-заменну. Ингилис мазрал ОГЭ-рду дайдишинтIиссар июнь зурул 2-нний.

## Цалчинсса ЕГЭ-рду

Май зурул 26-нний Щуссалакрал райондалул цинявппагу школарт-тай дайдишхьунни Цасса паччахIлугьрал экзаменну. Выпускник-турал цалчинсса кьини дулунни литературалуд, химиялуд ва геогра-фиялуд ЕГЭ-рду.

Географиялуд экзамендалун ккаккан бувсса бал бур 37, ли-тературалуд 32 ва химиялуд 36. Май зурул 26-нний дуллусса экза-меннал хIасиллу кIул хьунтIиссар июнь зурул 13-нния тийннай. Эк-заменну най дикIантIиссар июль зурул 1-ннийнин. ЛичIи-личIисса багьана-сававрттайн буну экза-менну дулун кьавхьуминнансса ятIап дайдишинтIиссар сентябрь

зурул 6-нний ва дикIантIиссар вава зурул 19-ннийн дияннин.

ДакIнийн бутанну, дянивсса даражалуд кIулшивуртту ларсь-сса аттестат ласуншиврул чара-бакьа дулун аьркиншиву оьрус мазрал ва математикалуд экзамен-ну. ЛирчIми дарсирдал экзаменну дулун бюхьайссар оьрчIал цалла язи дургьуну.

ХIадур бувссар  
Имара САИДОВА

## Ккуллал райондалия Ххари бунни оьрчIру



талихI-тирхханнарайсса оьрму, цIуллушиву.

Хьирив ЧIайннал школалул дуклаки оьрчIал увкунни балайр-

ду, бувккунни шеьрирду, ккаккан дунни кьавтIавуртту.

Дунни оьрчIру таза буккансса конкурсура ва тIуркIурду.

Чирилунсса даву

## Херсоннайн бивунни Забидат

→ Дайдихъу 1 лаж.



Забидат Абдуллаева

Патимат РАМАЗАНОВА

Кисловодскалийн гъан ччай бураучирчагу, бутталдакнин бивчухъунссия, Махаммадул ваныхъ увкуну бур: «Забидай, ттун ина чун, цуксса ххуллий най бусарав къакулли, багажникраву, иш багъарча, даххана дувансса нигъгу дуссар, лавгния цулууну бучаннав». Ккаккан буну бур ххуллий аьркин дагъансса инструментау, гъарзат. Махаммад цувагу, Чернобыллай авария хъусса чумал, та балалул шатухъун иривсса, яхлувсса адаминар. Та шпурттуву Къазахистаннай яхъанай уну, командировкалий тлай увкун ивкссар.

Херсонна областърая занашайтур Забидат тлайлану бусантиссагу цуппа чун лавгун бивкссарив. Сусрухал букваву ларгун, цийна цуппа бучайху, ниттил Тамаралгу учинтиссар яла: «Я, ттул душ, ттуху учивив ва кланайн най бура куну, на ккуркмай, къарк дик, мураппа – ялагу ваму-тамур дишинтиссияхха, – куну. Вайннавун буруккин къаба-



гъаншиврул къабувъсса Забидатлулу учинтиссар ниттихъ: «Ина ттунна дуллуцирив ккуркмайнттугу диян дував, вил бутлагу буссар тайнначансса ссайгъатраву», – куну.

– Ттун мадарасса аьралитал кулли, аьралий ипотекалушалгу зун багъайхха давриву. Вайннан хлакьину Украиннаву Аьрасатнал мурадру буруччаврил шаний талан багъунни, навагу, тийнмайну къабавцууну, кумагру буллалиминавух хлала бухханна тисса пикри багъуна, – буслай бур Забидат. – Ка-кумаг нава тихун биян буван гъанна тисса пикригу цаькъ хъуна. Ттулла каруниху ци-дунугу дуваннача тий, уттувагу къабивхъуну, кюрххилнин аьраингъавкурттугу бувссия мадарасса. Чъягъуна чумартсса хъамитайпа Бадуржигъан Рамазановалгу буну бия аьраингъавкури, натлухъ ва бакъухъ, цаймигу нацу-къацурду. Квивагу машина буцинмур салкь хъуна. Аьралитурансса лаххия дуссия, дуки-хачийа, медикаменту. Мюрши оьрчангу школарттай аьркинсса къай-къуй, нацу-къацурдулу кьуцурттив. Мукру хъунна, ттувугу нигъ дакъа дакъая. Ххуллурду пуч-палачат буну бия. Ттул пив-ххив дурсса окопирттал ва блок-постирдал чарах нанийни, ца къахъунмур хъурча, нитти-буттал, душаврал, маччанал бухлан би-

гъасса иш бакъархха тий, къума лаглай бивкгра. Дазуйн бияйхту, мобилникру дукъара увкуну жухъ, спутникиртая гъарзат аьчну чалай духъувкун. Лахъи къабан, Аллагъанайни аманат куну, дуаь дувайхту, дакI цахъис паракъат хъуна, аьч бивккунав. Гъарца пострай жу хъинну ялув бавцууну ххал бувайвав. Жу тий хъунабавкъунав Росгвардиялул Управлениалул Дагъусттаннал «Скорпион Каспий» ОМОН-лул взводрал командирнал, полициянал майор Аьлибеков Ферганнул тапшур буну. Ва цувагу Гъамияшатуссия. Шиккува бусан, ва подразделениалул сотрудниктал Дагъусттаннал МВД-лул бакIчи Аьбдурашид Махаммадовлуин барчаллагърай бия, квадрокоптерду ва хъьурай чара бакъасса уттизаманнул приборду гъан дувавриву. Жу гуманитар кумаг Чонгар тисса шагърулий къабивтессия, тикку дия гуманитар кумаг талатаврив клантурдайн тлайла буккайсса волонтертурал лагерь.

Жуварив Скадовск шагърулия арх дакъасса Приморская тисса поселокрай ликказан дурну бавцуру. Аьралитурал дакру тирх учин дуллалисса концертру ккаккан дуллай буссия Зульфия ва Сиясат, навагу Махаммад Мусавегу шай-шаймур буллай буссия. Жува буссаксса тайннаха хурмат



Махаммад, Бадуржигъан ва Забидат

бан ччай бия, на, тай ххари бан, ххункугу бувссия, миллатрал дукиялух гурбатрай иштгахI личиссава бакъарив. Сивсусса, дакру чаннасса жагьилтал бия. Жу гуртту хъуру Приморскалал школалий ва садикрай хъусса меропритиярттай. Бавчуссия ссайгъатру ва нацу-къацурдулу кьуцуртту. Зульфия ххуйсса балайрду увкуну. Тайннал оьрчру ва душругу машгъурсса оьрус балайрду тий бия. Ца душнил дагъусттаннал балайрдугума увкуну. Школалул хъунмур Ирина Бачинская ва садикрал хъунмур Валентина Дунаева дакнийхтуну барчаллагърай бия, бувсса кумаг бусрав хъуну бия.

Клантул агъалинал хлакьира-СВО-гу кьуртал хъуну, паракъатсса оьрмулух мякьну бия. Хлакьинусса кьини клантул агъали аьралитурал хлала-гурттуну бур, кувннан кув кумаг буллай, думур кландачлай бур. Аьрасатнал бичантгумур чаннасса биклантгиврийн вихну бур. Тайннал ва Дагъусттаннал агъалинал душивруларарду цаькъ дуллалисса даву хъунни, цусса дустал, хъамал лякьарду, аьралитуралгу мудар дахъаву дуну бур, бур цаймигу бартбигъин хъунни тисса пикриду, бурганну.

Жу тлайла буккан бивкуну аьралитал, командирнал

бургъилух бишай яругу буллуна ттухъхъун, сивсусса душ тарбия бувсса буттан пишкаш бува куну, цацара думур барчаллагъран дуллай. Махаммад Мусавегулул общиналул чулухасса Хурматрал грамотартту дуллуна аьралитурал. Дакнийхтунусса барчаллагъ тий бура гуманитар кумаг буван ка кландархуцириннай, цу-унугу лях къагъаншиврул, бакгра-бакграх царду клант къалагланна. «Справедливая Россия» партиалулу буван кумаг. Личинува барчаллагъри Бадуржигъан Рамазановайн, цалгу-килвагу бакъар ванил тихун ссайгъатру тлайла буккаласса. Жува агъалинал дакрудил сахаватшиврул дазу дакъар. Чъявусса душру бур аьралитурал яннарду дурухлай, тлайла дулкай. Аьралитуралгу агъали цала чарав бушиву асар хъанай бур. Армиягу, агъалигу, дакругу ца дурну, ххувшавричанни хъит ттултисса. Дучанхъуви му кьини чал къархъуну».

Хъи бан ливчунни Забидат Абдуллаева мударгу рахму-цимилул акциярттаву хъуртту шайсса инсан бушиву. Цаймигу дур ванил дурсса ва дуван дакнийсса ххуй-ххуйсса давуртту. Бусанну миннуягу. Барчаллагърихха ва къабигъасса шпурттуву, тийнмайну къабавцууну, шайкун шаймур буллалисса инсантурал!

## Яттил выставкалул магъ дириресса куц

Анжи-Ареналий ттардал, куннал, къацрал, дурал хъуннасса выставка дуссар тисса шпурттуву коллага Имара бия, гъаркьини тиссаксагу, цуппа выставкалийн биян ччай бушиврия буслай. Ттувурив ттунмагу биян бучиррхха тисса пикривагу бакъая, ци чара бакъашиву дуссар ва клантиврий Каспийскалийн бачин, уттуллу хъунисса ттарду къаккавкссагу бакъарахха.

Патимат РАМАЗАНОВА

Нюжмаркьини, паракъатну дьяшагърулувусса ттучаннайхъу бучай бунува, бивххуннихха цакуну ттувунгу выставкалийн биян гъарча тисса пикри. Нава гъан аьркиншиврул хуччардугу буссара хъьичун ласлай: цалчин, хлухчил душра, ятту-гъаттарал дьянив оьрчшивугу, шюлли жагъилшивугу ларгсса; клантин, та ккаккантиссар утти ттунма ахалтекиннал балчант? Дакнийхтунура тисса, дучри оьрчнинява ххирассар, дучрахъу ябитан чхисса зуву-



Вана чал къамарайх ках чин биривсса чаннасса лахъа

гу дакния тачлав къалагайссар. Кутла буван, ссят ххора шавайсса чун дия, марклаганнай выставка лакълакьисса хаваргу бухъувкун (мукъва гъантлийсса дияхха, къагъарив!), анавар буккан аьркинни тий бура. Оьвчав таксильин.

«Высокий спрос» тий, ацрахъул минутирттайсса ялугъан багъунни. Бивкунни. Шъивкгра. Анжи-базаллул райондалий ламу лахъаннин ларгунни сайки дачли ссят. Сукку бай машина, дачли ххархилул хъьичунмай шайху, къакуну бацлай, хъьичи наницирив машинарттал къюкьа дахчилай. Ялагу сукку бай, ялагу бацлай. Чутугу чутугу бияв – аькъува. Таксист ссавур дусса, хъарчру буллан ххирасса лявкъунни. «Ва аьламатрайсса пробка уттинин ккаккун аькара», – тий ур. Миклирай ттукри кунма бавцусса машинарттал къюкьри – тиягу, шиягу. Оьрус учительничал паркран бияйхту, ссавур духлагавай, буккан хладурну бура машиналува. Анжи-Аренагу къачча, выставкагу къачча, ва балалува буккан хъунни тий бура. Таксистная ламус хъанай бур, ягу аьркинни, багъагу буллуно, итаакьин. Буккарчагу, нава чув, ссай гъантиссара шаппайвагу? Лахъисса нагъиллал хъирив кутласса хласиллу: Анжи-базаллулчату Анжи-Ареналийн

бияннин ларгунни дурусну ссят ва ххюцалла минут(!). Гъумукун къабиярча Лавашаввагу биянсияв ваксса хлаллай тий бура. Буккра ахиргу.

Гъай, аман, яттипалату куннасса къанкъ риршунни машиналува буккайхтува. Палаткарду ттирихлай бур. Тикку-шикку ливчими ттардай, къацрай тамаша бансса сант диривунни. Хъуни уттуллу бусса лухли ттардугу гиккува бия, къаьчиксса загълунасса куннигу бия. Оьрчшиврул лахъардавун багъунна, дучрал къамарайх ках учин хъунни. «Уквасса зоопарк ванакай!» тий бур чарав бавцусса хъамитайпа мюршутлахъ. Буниялттунгугу, хъинну чъявусса мюрши оьрчру бия.

Панттая ца исвагъину чапардугу дурну, чумуйнуса мюрши ппаллу буну бия ризкьилун. Тпайламур бусан, чалай бия хъинну хъунмасса захлат бивхъуну бушиву ва даву дуван. Харжгу биялсса бивхъунуссия, ба-бакграх гъарца хозийствалун цинмасса къуш бия, прес-

центрдания тлайла хъуну, царду чирчуну, ккаккан буну бия агъалинан аьркинмур бигъану лякьиншиврул. Гивах, цанлакьрулий, на кунмасса, выставкалул магъ дириресса, байчаратал занай бия ялгузгъаривну ливчими ттардачан ва пив хъанакьисса хъамалураччан. На выставкалул лама букканнин цан лара-ларкъуна. Кира ссятрай Анжи-базаллулчату Анжи-Ареналийн най бивксса на ккашил къавхъуну биклайххивав, тивахва чяттирданул кунмасса ца кафелувун бивххун, хъинну нажагъ бакъа къабукайсса пиццагу бивкуну, паракъатну маршруткалиий шаппай бивкгра. Пиццамур, нава ккашилнуув, буниялттунгугу нахъуссава къакулли, наху бивзуна. Шаппай бияйхтурив, вихрув, нава ца чивихъунсса гъунар бившивриясса куннасса рязишиву дия. Му рязишивугу ва къаличину чаннасса дунияллий, инсаннан ччан бикларча, ххяххун-бивзун, ччан бивкмур буну, чхирисса духъурчагу, тирххану лякьинсса хларачат бавриву чалай дия. Му тирххандарал хъирив бакъарав на Анжи-базаллува Анжи-Ареналийн таксильин Кира ссятрай най бивкссагу!

«Илчилий» хъамалу

## Вирттаврал кьукьлуву жула Оьмаргу уссар

Залму АБДУРАХИМАНОВА

Форумрал ца бутла хас буну бия Украиннаву нанисса аьралий иширттая репортажру дуллалисса, федерал каналлайсса, жулла республикалиясса журналист-туран ва блогертуран. Федерал телеканаллал корреспондент-туравух ия Оьмар МахIаммадов ва «Цалчинмур каналданул» военкорр ХIусайн ХIусайнов.

Билатрал личи-личисса региональная форумрал гурт-турчигуравалса цаннал: «Шаппай занахувкун, дяввилул суратру хьхичI дацIлай, цуксса хIаллай азурда хъанан бикIару?» – тIисса суалданухъунсса Оьмардул жаваб залданувицириннал гужсса хъатру ришлай кьамул дуруна.

«Жу, Кавказулал республикарттаясса журналисттал, шаппай занахувкун, уссур-суу, мачча-гъан чIавуасса бухувкун, хъамалу оьвтIий, тIабиаьтрайн, тиккун-шиккун бигъалаган, шя-бикIан буцIлай, я дяввилия пикри бан, я тийх хъанахъисса захIатмасса иширттаясса пикрир-дахун багъан кьабитан хъунмасса хIарачат бай. Мукумна дустурал ва кIулминналгу. Командировкалия занахуну, ттигу увассара ттуна навалу личIан. Укумна тIун бикIай Ухссавнил АьсатIиннаваасса ва Кавказулал цаймигу республикарттаясса ттул коллегахулгу. Жу ва ишираву, Москвалиясса, Питердаясса ва цайми регионалиясса тележурналисттурах бурувгун, бахтти-талихI бусса бунуккару», – куна Оьмардул.

Майрал 16-ний Кремльда-дуну ХIукуматрал награда ласун хьхичI, мартрал ахир-даний Оьмар лайкь хъуссия АьсатIнал Журналисттурал союзрал чулухасса «За смелость при выполнении журналистского долга» тIисса лишандалунгу. Ва Оьмардун дуллуссия, АьсатIнал цIа ларгсса хьхичIунсса журналисттал бавтIисса, «Золотое перо» цIанилусса батIаврий.

Журналисттурал пишалуву агъамсса кIирагу наградагу барча дулла, Оьмардун жула циньяннал чулуха цал уттигу чIа учин ччай бур тIайлабацIу ва кьабигъасса цалла давриву Аллагънал уруччаву.

Ва ххуллухъсса Оьмардул командировка диркIссар мукьил-чинсса. Ларгмур шиналсса шамунния жу чивчуссия ванацалсса хъуннасса интервьюраву январь-даний бунксса «Илчилий».

«Инфорумрай» хавар, махъ бусансса мутта кьабир-иллай чIалай, Оьмардул цала увкуна, на зучIан «Илчилийн» нюзмаркьини учIаннача куну. Дяввилий хъанахъимунил цурда-ца кьини паракъатну кьабитлатисса жугу, цIунилгу суаллу буллай, Оьмардулалсса цIухху-бусу цIу лаган барду.

• – Оьмар, барча вин дуллусса кIирагу награда. Хаснува Кремльдануви уттигъану дуллусса. Даки-нийхтуну ххариссару вингу, вил оператор Рабадан БахIаммадовлунгу му длаврия. Билатрал Президентнашал яхши-хаш банса муттагу бириврив награда дуллуну махъ?

Ларгмур нюзмардий МахIачкъалалив Тарихрал музейраву хъусса «Инфорумрай» яла бусравми хъамаллуравух ия жуна чIавучин телевизорданувах дяввилул цIаравасса репортажирттай-ну кIул хъусса, уттигъану Москвавил билатрал бакIчи Владимир Путинду, барчагу увну, АьсатIнал ХIукуматрал кIилчинмур даржалул награда дуллусса, НТВ-телекомпаниядул аьралий корреспондент Оьмар МахIаммадов.



Алексей Громовлуцал Кремльдануви

– Барчаллагъ хъунмасса! Президент, жу циньяв барчагу буну, хъунмасса хIал кьабуну, лавгуна. Наградартту жун дулуна Президентнал Аппаратрал каялув-чинал цалчинма хъиривчу Алексей Громовлул. Хъинну хIалимну ихтилат буллалисса, наградартту дуллуну махъ ялагу жушал жап-лий шяивкIун, цIухху-бусу буллалисса инсан ия цала хъунмасса кьулугъраху кьаурувгун. Владимир Путин ттун цалчин ккаклай акъая. Ттун га кIийла Дагъусттан-найн увкIунгу кавккссия ванин-нин мадара шиннардил хьхичI, Ухссавнил Кавказулалал ца республикалийгу кавккссия. Цимил ххал хъурчагу, ттуна жула билатрал бакIчи пахру-ххара бакъасса, цува ххал кьашайния тIисса сса куна, хьхичIун кьаххялахисса, цала гьарца мукьул заллуш-ву дан кIулсса кьанкьасса адами-нану изай.

• – Утти буси цукун ларгри ва махъсса, вил мукьил-чинсса командировка?

– Гьарца жул тихунсса аьрххи ци-бунугу ца иширайну дакинийн кьакьувтIуну, асар кьавхуну кьаличIай. Ва ххуллухъгу, Донецкалийн бункун, хъиривмур кьинива Украиннал аьралуннал шагьрулул кучардайн итадаркьусса ракетардал лув ливчIисса автобусраву арула-мая инсан, мин-



навух ца чIиви оьрчIгу, цIараву ччувчусса, оьккисса теракт хуна. Хъиривмур кьинигу ххюя инсан оьрмулуца увсса иш хуна. ХIасил, дявви най бур бунияла-гу захIатмасса ва жапасса. Жулла ХIукумат, ца Украиннал аьралун-нашал данди дурккун дакьарча, сайки 40-сса ХIукуматрашал талай дур. Тикку хъанахъимургу кIулну, маслихIат бавияв шик-кусса жула халкьуннахъ: вихшала дуну бикIан жула аьралитурайн, билатрал бакIчинайн. Та дяв-ви хIакьину жула цанийсса бакьарча, гьунттийсса жула оьрчIал



цанийсса бур. Дявви байбишин хьхичIисса мйра-урчIра шинал мутталий тикку хъуннасса даву ширекIуну диркIун дур, утти бур ми затру исват хъанай. Му-нияту фашизмалул бакI ккуч-чу дантIишиврийн жува шикку, кьинттулух, вихну бикIан аьр-кинссару.

• – Донецкалал агъали-нал хIалкъазия, пикрир-ду ци бур?

– Тай утти дяввилул сасан бусса, чурххаву нигъ-ццах, хIучI бакъасса хъуну бур. Инт дучIавришал цалла ахъавун, багъ-ирдавун, чIарузивурду ду кьатрал хIаятирттавун бункун, мурхьру кIяла буллай, тIутIив дугълай бур. Бургъих, чаннах мякь бунксса кун-ма, бомбардал пIакь-шякь тIисса чIурду баллай бунугу, кучарду бахълай, маршI-чапалшиврул давуртту дуллай бур. МахIаттал хъуну ивкIра ца иширай. Жу яхъанахъисса кьатлул хIаятраву чIавасса гимнасткахал трени-ровкарду най дикIайва. Ттупру, обручу ва скакалкардугу ишла-сса, мйажаннугусса спортрал тре-

«Золотое перо» батIаврий

– Цанакулгу тава куцуй найма бур. Амма утти булла-лимур кумаграл мягна -мурад личIисса бур. Цана тихун най бур аьралитуран аьркин дагълагъ-сса хъуслишалсса кумаг. Най дур хъунмурчIин уттизаманнул тех-нологиялул хъус – тепловизорду, квадрокоптерду, дронну ва цай-мигу затру.

• – Цайми билатирттая-сса журналистталу, блог-ертталу хъунабакъай-рив Донецкалий? Цуми билатирттаясса бикIай чIавуну?

– Федерал телеканаллал журналисттал тикку ца-кIира ХIукуматрая бакъа-бакъар, мигу Китаинал, Индиянал, Ираннал. ЧIавуасса блогертал хъунабакъай испаннал, италиянал миллатир-ттаясса. Западрал Европанав сайки цукIуй бакIрайн кьаагъун-ни ва ххуллухъ. Миннахъ ихтияр дакьар Донецкалий хъанахъи-муния тIайламур булансса. Му-кунсса репортаж дарчан, яла миннан оьрму бакъар тIар цал-ла минардайн занахувкун. Му-нияту нигъачIийну бухъунссар, аьй дакьар.

• – Оьмар, кьадяввилиясса репортажирттаху мякь багъайрив?

– Багъайкьай! Масалдаран, ва командировкалийн ачин хьхичIисса ттул репортаж дуссия Лаккуя, ГьунчIукьатIув гьаши-ну Хъарас шаврил байрандали-ясса. Москвавил, жул каялувчи-туран, ххирассар Дагъусттанная жу жулла аьдат-эбадатирттаясса, зунттал агьулданул культуралия-сса, багъу-бизулиясса репортажру гъан дуркун. Психологтуралума маслихIат бувай аьралий кор-респонденттурахъ, мудар дявви-лул пикрирдай кьабикIан кунма, оьрмулул хIазсса иширттаясса, социал масъаларттаясса репор-тажругу хIадур дуллан. Так ца дяввилиями репортажру ласла-саву нахIу лачIун кьабучиссар, цIуллу-сагъшиврун заралссар тIун бикIай. Ча, мунияту, цана жучIанма нанисса хъамаллурал кьокьригу чIалай, оператор Ра-баданнушал республикалийсса туризмалуцIун ва спорттрацIун дархIусса репортажирттаху зун пикрилий бур.

• – ТIайлабацIу баннав зун, Оьмар! Буллалимуниву Аллагъналгу зуцIун каба-кьиннав!

«Илчилий» хъамалу нировкарду. – Нигъа буслайбакъар-рув? – куну цIувххукун, – Буру, бухъурчагу, тренировкарду кьари-тан кьабучиссар, – учайва.

• – ХьхичIимур интер-вьюраву ина кIицI лав-гуна, инава махIаттал увну ивкIшиву Донецка-лийн нанисса кумагра-шалсса фуарду, хъуни машинартту кавккун. Цанакулгу най бурив ти-хун билатрал регионалия кумаграл машинартту?



ИТНИ, 5 ИЮНЬ

05.00 «Доброе утро». (12+).
09.00 Новости.
09.20 «АнтиФейк». (16+).
09.25 «Жить здорово!» (16+).
10.45 «Информационный канал». (16+).

00.00 «Подкаст.Лаб». (16+).
03.00 Новости.
03.05 «Подкаст.Лаб». (16+).
ТТАЛАТ, 6 ИЮНЬ
05.00 «Доброе утро». (12+).

00.00 «Подкаст.Лаб». (16+).
03.00 Новости.
03.05 «Подкаст.Лаб». (16+).
АРВАХИ, 7 ИЮНЬ
05.00 «Доброе утро». (12+).

00.00 «Подкаст.Лаб». (16+).
03.00 Новости.
03.05 «Подкаст.Лаб». (16+).
ХАМИС, 8 ИЮНЬ
05.00 «Доброе утро». (12+).

00.00 «Подкаст.Лаб». (16+).
03.00 Новости.
03.05 «Подкаст.Лаб». (16+).
НЮЖМАР, 9 ИЮНЬ
05.00 «Доброе утро». (12+).

00.05 Д/ф «Дэниел Дэй-Льюис. На следствии». (18+).
01.05 «Подкаст.Лаб». (16+).

АЛХИАТ, 11 ИЮНЬ
06.00 Новости.
06.10 «Подкаст.Лаб». (16+).

РОССИЯ 1

ИТНИ, 5 ИЮНЬ

05.00 «Утро России».
07.35-07.41 Вести-Дагестан
08.07-08.10 Вести-Дагестан
08.35-08.41 Вести-Дагестан

Васильев, Раиса Рязанова, Дарья Ювереннова и Илья Соколовский в телесериале «Семейный детектив». [16+]
ТТАЛАТ, 6 ИЮНЬ
07.35-07.41 Вести-Дагестан

Ярослав Бойко, Анатолий Васильев, Раиса Рязанова, Дарья Ювереннова и Илья Соколовский в телесериале «Семейный детектив». [16+]
АРВАХИ, 7 ИЮНЬ
05.00 «Утро России».

Ярослав Бойко, Анатолий Васильев, Раиса Рязанова, Дарья Ювереннова и Илья Соколовский в телесериале «Семейный детектив». [16+]
ХАМИС, 8 ИЮНЬ
05.00 «Утро России».

Ярослав Бойко, Анатолий Васильев, Раиса Рязанова, Дарья Ювереннова и Илья Соколовский в телесериале «Семейный детектив». [16+]
НЮЖМАР, 9 ИЮНЬ
05.00 «Утро России».

Васильев, Раиса Рязанова, Дарья Ювереннова и Илья Соколовский в телесериале «Семейный детектив». [16+]
ХХУЛЛУН, 10 ИЮНЬ
05.00 «Утро России. Суббота».

Кононова, Владимир Жеребцов и Екатерина Травова в фильме «Невеста моего жениха». [12+]
АЛХИАТ, 11 ИЮНЬ
05.55 Виктория Полтораки Андрей Биланов в фильме «Продается кошка». [12+]
08.00 ВОСКРЕСЕНЬЕ.
08.35 «Когда все дома с Тимуром Кизимовым».
09.25 «Утренняя почта с Николаем Басковым».
11.40 «Доктор Мясников». Медицинская программа. [12+]
12.45 Владимир Машков, Сергей Маковецкий, Владимир Меньшов, Михаил Горюченко, Светлана Крючкова и Константин Лавроненко в телесериале Сергея Уруляка «Диквидиаша». [16+]
17.00 ВЕСТИ.
18.00 «Привет, Андрей!». Вечерний шоу Андрея Малахова. [12+]
21.00 Наталья Гудкова, Юрий Дурило, Мария Глазкова, Сергей Астахов, Илья Древнов, Анастасия Дворянская и Александр Хромов в фильме «Невидимая нить». [12+]
00.35 Анна Попова, Дмитрий Ратомский и Юлия Рутберг в фильме «Тропинка влюбленных». [12+]
04.05 Татьяна Федорова, Александр Константинов, Мария



ИТНИ, 5 ИЮНЬ

07.00 Время новостей Дагестана. Итоги.
08.00 Мультифильм 0+
08.15 Х/ф «Свадьба в Малиновке» 16+

05.15 «Выходные на колесах» 73 с. 16+
05.35 Х/ф «Первая перчатка» 16+
ТТАЛАТ, 6 ИЮНЬ
07.00 Время новостей Дагестана
07.20 Передача на табасаранском языке «Мил» 12+

АРВАХИ, 7 ИЮНЬ
07.00 Время новостей Дагестана
07.20 Передача на табасаранском языке «Мил» 12+

08.30 Время новостей Дагестана
08.55 Х/ф «Весенний призыв» 16+

05.30 Х/ф «Ангел в побейтке» 16+
НЮЖМАР, 9 ИЮНЬ
07.00 Время новостей Дагестана
07.20 Передача на аварском языке «Паланги памалити заманти» 12+

ХХУЛЛУН, 10 ИЮНЬ
07.00 Время новостей Дагестана
07.20 Передача на аварском языке «Паланги памалити заманти» 12+

05.15 Золотая коллекция фильмов о родном крае. Д/ф «Гроздник песни на горе Анчила» 16+
05.45 Дагестанское кино. Х/ф «Ожерелье для моей любимой» 16+
АЛХИАТ, 11 ИЮНЬ
07.00 Время новостей Дагестана
07.20 Передача на дагестанском языке «Вахтар ва инсанар» 12+



ИТНИ, 5 ИЮНЬ

05.00 Т/с «Москва. Центральный округ». (16+).
06.30 «Утро. Самое лучшее». (16+).
08.00 «Сегодня». (16+).
08.25 Т/с «Лесник. Своя земля». (16+).

00.45 «Путь бойца». (18+).
02.45 Т/с «Бездна». (16+).
ТТАЛАТ, 6 ИЮНЬ
05.00 Т/с «Москва. Центральный округ». (16+).

маршруты». (16+).
АРВАХИ, 7 ИЮНЬ
04.50 Т/с «Москва. Центральный округ». (16+).

ХАМИС, 8 ИЮНЬ
04.55 Т/с «Москва. Центральный округ». (16+).

НЮЖМАР, 9 ИЮНЬ
04.55 Т/с «Москва. Центральный округ». (16+).

05.45 Т/с «Береговая охрана». (16+).

АЛХИАТ, 11 ИЮНЬ
04.50 Т/с «Береговая охрана». (16+).



## «Илчилул» календарь Ва нюзмардий бувссар

\*\*\*


Июнь зурул 1-ний 1954  
шинал увссар шаэр, публи-  
цист Хасан Клурухов.

\*\*\*

Июнь зурул 4-ний 1971  
шинал бувссар ДР-лул куль-  
туралул министр Зарема Бут-  
таева.

## Сий дусса фестивальданул жюрилувун

Културалул сиптардал Пре-  
зидентнал фондрал кумаг-  
рацух Аьрасатнаву гьашинугу най  
дур аьдатравун дагьсса «Филатов  
Фест» цанилусса жагьилсса ша-  
эртурал фестиваль. Уттигьанну  
хьусса фестивальданул полуфи-  
налданул жюрилувун увчунни Да-  
гьусттаннал педагогикалул инсти-  
тутрал профессор Хизри Илиясов.  
Ва сий дусса фестивальданул жу-  
рилувун жула дагьусттанчу, лакку-  
чу увчаву – му хьунмасса ишири.



Хизри Илиясов

Адриана АБДУЛЛАЕВА

ДакИнийн бутан, цанихсса  
актер ва шаэр Леонид Филатов-  
лул цанийсса Шалагу Аьрасат-  
нал жагьилсса шаэртурал фести-  
вальданул гьану бивзссар 2014  
шинал Таганкалийсса Театрду-  
нул актер Влад Маленкол сипта-  
лий. Гьашинусса фестиваль  
урчИлчинсса хьанай дур.

Фестивальданийнсса хладур-  
шинна най дия шинал лажинда-  
рай. Аьзри кьамул буллау, 100  
шаэрнал ца дусса сияхИрава  
лайкми язи бугьлай, четверть  
финалу, полуфиналу дуллау.  
Финал хьунни Иссар Арбай-  
сса Актернал Хьун кьатлуву.

## Маданият

# Лауреатътал барча бунни



Жулва чИава балайчитал,  
кьавтИалт, музыкантътал, худ-  
ожниктал, циркачтал ва цай-  
мигу гьунардучитал Ухсавни-  
л Ккавказулал Федерал  
округрай ва билаятрал личИ-  
личИсса регионай цимивагу  
шагьрулийн бивну бур, лажин  
кИялану, ккавкнан хьмакьаби-  
танну ккаккан бивну бур личИ-  
личИсса кИантурдай аьзисса  
Дагьусттан. Зарема Буттаевал  
республикалул магьирлуьгра-  
ву ва маданиятраву цалламу  
даврил лайкьсса бутИа бихьла-  
хьисса оьрчИан ва вайннал пе-

МахИачкьалалив Поэзиялул театрдуву Дагьусттан Респу-  
бликалул културалул министр Зарема Буттаева хьунабав-  
кьунни регионалул, шалагу Аьрасатнал, дунялул халкьуннал  
дьянивсса лагулул конкурсирттал лауреатътал хьусса оьрчИашал  
ва вайннал педагогтравуш.

дагогтуран дуллуни Министер-  
стволул чулухасса ХИурматрал  
граматартту ва Барчаллагьрал  
чагьарду, мукунма ДР-лул Хал-  
кьуннал Мажлисрал депутат,  
мудангу укунсса оьрчИал чIарав  
ацИлацИсса Муслим Гиндиев-  
лул цаниясса бахшишу (ар-  
цуйнуссагу). ОьрчИал пала чулу-  
хасса бахшишну ва кьини ккак-

кан бунни музыкалул номер-  
ду. СахИналийн бувкминнавух  
бия цИулу-сагьшиврул ссуссу-  
кьуссагу, СВО-лий цалва бурж  
биттур буллалиминнал кулпати  
рттаваассагу.

«Школьниктравнсса культу-  
ра» проектрал Шалагу Аьрасат-  
нал «Расул ХИамзатов оьрчИал  
ярунних» тИсса акциялий ххув

хьуминнан ва хьассса бахшиш-  
ран лайкь хьуминнан шаэр-  
нал душ, Дагьусттаннал Изо-  
бразительный искусстварттал  
музейрал директор СалихИат  
ХИамзатовал дуллуни бахшиш-  
ру ва миллатирттал мазурдий  
бувксса Расул ХИамзатовлул лут-  
тирду.

Ва кьини бахшишу дулла-  
на 42 дуклаки оьрчИан ва 31 пе-  
дагогнан. Вайннавух бия жула  
кказитрай цая уттинин чив-  
чуссагу, чичин буваассагу лакку  
оьрчИругу, педагогталгу.

Укунсса цанилусса фести-  
валь-форум най дия жулла  
республикалул шагьрундай май-  
рал 27-29-ний. Ва цурдагу хьун-  
ни творчествалул ва аьдатирттал  
Шалагу Аьрасатнал лагулийсса  
«Вместе мы – Россия» цанилусса  
фестиваль-байрандалула лагу-  
лий. Културалул фестивальданул  
дайдихь хьунни Дарбантлив,  
Нарын-Кьалалий ва Дунялул  
културардал ва диннал тарих-  
рал музейраву.

Нарын-Кьалалий ккаккья-  
лун тИтИин бивну бия халкьун-  
нал (хьунмурчИин Кьиблалул Да-  
гьусттаннал районналсса) аслийс-  
са културалул майдану. Хьамал  
хьунабакьлай бия фольклорданул  
группарду. Шиккува буллау  
бия халкьуннал канил пишар-  
дал мастер-классругу. Вайнну-  
вух гьирай гьуртту хьанай бия ту-  
ристьталгу.

Гихуннай хьуна Аьрасатнал  
регионаясса ва Дагьусттаннал  
Кьиблалул районнаясса творч-  
стволул коллективру гьурттусса  
хьуннасса концерт.

## «Жува цачИу – Аьрасатру»



Вара кьини, майрал 27-ний,  
Дарбант шагьрулийсса Дунялул  
културардал ва диннал тарихрал  
музейраву хьуна «Сохранение,  
развитие и актуализация тради-  
ционной культуры народов Рос-  
сии» тИсса ккуркки стол. Шикку  
модераторну бия искусствовед,  
«Заповедники» тИсса эконо-  
трданул (ш. Москва) эксперт Яна

Малиновская. Спикерталну бия  
ХИ. Шадассал цанийсса Мазрал,  
литературалул ва искусстволул  
институтрал отделданул хьунмур  
Эльмира Аьдуллаева ва ДР-лул  
Музыкантътурал союзрал предсе-  
датель Хан Баширов. Ххал бигь-  
лай бия Дагьусттаннал аслийсса  
музыкалул искусстволул аьдату  
дуручаврийн, хьхьичИуннай шав-

рийн багьайсса масьалартту.

Хьиривмур кьини МахИач-  
кьалалив хьуна «Кьиблалул зунт-  
турдая ухсавнил хьхьиридайн  
биянин» тИсса цанилусса теле-  
мост. Ванил цачИун бивна ва кь-  
ни кИива шагьру - МахИачкьала ва  
Мурманск.

Майрал 29-ний МахИачкьа-  
лалал хьун майданив хьуна фе-  
стивальданул гала-концерт. Ва  
дачин дурну бия Арсен Лухлуев  
ва Мурманскалийсса Юлия Га-  
понова.

Фестивальданийн бувккуна  
Аьрасатнал Федерациялул куль-  
туралул министр Ольга Любимо-  
вал цаниясса махьру.

СахИналийн бувккуна ва их-  
тилатру бивна Аьрасатнал Па-  
ччаХлуьгьрал халкьуннал твор-  
честволул кьатлул директор Та-  
мара Пуртовал ва Дагьусттан Рес-  
публикалул културалул министр  
Зарема Буттаевал.

## Библиотекартту хьхьудьяризаннин зузисса хьхьу

Вай гьантрай шалвагу Аьра-  
сатнаву хьусса «Библио-  
ночь – 2023» акция 12-чинссар,  
вайкссара шиннур ва хьхьуну  
шалвагу билаятрал библиоте-  
картту хьхьудьяризаннин зий.  
Жулла республикалул библи-  
отекарттайгу ва акциялул ла-  
гулий хьунни личИ-личИсса  
батИавуртту, шадлуьгьру.

Ва хьхьуну хьусса луттирдал  
выставкарттай дия оьрмулул  
личИ-личИсса шиннардил бу-  
ккултрансса, архивирттавасса ва  
ттизаманнул литература.



Жанна ва ванил давуртту «Библионочь» акциялий

Акциялул яла чИавами гьур-  
тучитуран куну, хладур бивну  
бия хИассса ТуркИурду ва мастер-  
классру. Акциялул лагулий  
мукунма хьуна чичултрашала-  
сса ва шаэртурал хьуна-  
бакьавуртту, «Дагьусттан – Ра-  
сулул дакИ» тИсса выставка ва  
чИарусса цаймигу шадлуьгьру.  
Ва выставкалийн бавтИминнал  
итталун дагьлай дия гьунар бус-  
са лаккудуш, балайчи, художник  
Жанна Кьурбановал давуртту.

Хладур бувссар  
Бадрижамал АБЛИЕВАЛ



**Дуркунни каникуллу**, ххиратал хьунни гъашиносса дуккавил шин, вана жуца цал уттигу, ххарину, шадну «Барчаллагъ, дуккавил шин» учин хъанай. Гъаршинах дуккавил шинал ахирданий ялун дияй цамургу байран – ОьрчIру бурччаврил кьини. Барча дуллай буру, оьрчIрув, кIирагу байран! Жу дакI дариуну буру, зу ххуйсса кьиматиртгашал бувкхьунсару гьинтнил каникуллайн, школ оьрмулдува яла лахъими ва хIазми каникуллайн. Гьинтнил каникуллая зува немат ласлантIий бухъувкун, хъамаабитару «ЧимучIалтгуйнгу» чичлан, зува цукун бигъалаглай буссарув. Гьинтнил чIун – чIимучIалттул чIунни. «ЧимучIали» – зул вихшаласса дусри. Бусияра зула дуснахъ зула гьинтнил хаварду, чичлачияра шеърирду ва маьбригу. Ялугъланну. Агар зула электрон почта бухъурча, гъан буvara ва адресрай: [ratimat\\_gamazanova1968@mail.ru](mailto:ratimat_gamazanova1968@mail.ru). Хъуниминнахъ кумаг буvara учара макъалартту ва электрон почталийн тIайла дуккан. Текстру, суратру кьамал дуванну ватцапрай ва номерданийгу: 8-928-674-67-18.

**Зул чагъардах ялугълагъисса «ЧимучIали»**

## Каникуллу

Ларгунни дуккавил шин,  
Дуркунни каникуллу.  
ОьтIий бакъар дарсирайн  
Аварасса гюнгутIи.  
Шагъругу махъ ливчIунни,  
УвкIра ттаттачIан кьушлийн.  
Вай каникуллал гьантри  
Лагайссания лахъи!

## МЮРЩИ ОьРЧIАЛ КАЛИМАРТТАВА

Нину арснахъ:  
– Чамуй ацIра кканпIитI дуссар, ххюра винна дити, ххюра чIивимур ссин дула.  
– Ссин шанна дулунна.  
– Вин хIисав дуван къакуллив?  
– Тгунния кIулли. Ссин къакуллихха.

\*\*\*

Невропатологнал кабинетраву мукъра шинавусса чIивитIугу, ванал нинугу.  
ХIакин:  
– ЧивитIуй, буси, ччитул цими бачIа дуссар?  
– Мукъра.  
– Я цими буссар?  
– КIива.

## Дуркунни каникуллу



**Махъва-махъсса гюнгутIи 1-мур ЦIувкIуллал школалий**

Дагьанттул симан хьуну,  
ШIай-пIай тIий дур марцIсса ссава,  
Шюлли урттул бартбису  
Ча-чунгу бувтун бур цяв.  
Бургъил чанна лахъан бай  
Бюхттул барзунттал мицIру,  
Барххулгу бургъийн бугъай  
Цила гьалххасса хьиртту!  
Дялахълахъисса кунна,  
Нех тIанкIа тIий дур кьунттайн,  
Кьинирдал каруннайгу –  
Каништуру ссурулкуртурал!  
Хьхунил тIурча, барзунттайх  
ЛухIисса варсив лаххай,  
Ччан бикIай ттунгу чул бан,  
Гай шанувкъюну чIалай.  
Ттаттал бусалардугу  
МакIливух хIала буххай.  
Ца-цавай девтал бучIай,  
Дустал хьун миннат буллай.  
Гай хьинсса девтурашчал  
На ссурулун гъаз шара,  
Яла бюхттулми цIурттайн  
На гайннашчал леххара.

Микку ттаттал ажарттул:  
— Э-оь-оь! Гъассар шанан!  
Хьхунил девтал бавссукун,  
Нагу шара ца паиман.  
Дадал кIарттув ччатI шаххай,  
Лохъи магърал кьанкъ дусса,  
ШIайкIара ччатI канай  
Дунияллий нахIусса!  
ХIаз бур гьинттул зунттаву  
ТтаттачIа, яттикъушлий.  
Кьуртал къашияссания  
Вай каникуллал гьантри!

**МахIаммад ХИРИЯСУЛЛАЕВ  
Яру мазрая.  
Таржума Х. ИЛИЯСОВЛУЛ**

## ТтурчIиял Маммадай

**Жула** лакрал пагъму бусса  
шаэр ва балайчи Маммадай (МахIаммадлул) цIа къа-

бавсса нажагъссагу лаккучу акъахьунсар. Революциялул хьхичI шиннардий ва ганияр махъгу Маммадай ивкIун ур Гъумук ялапар хъанай. Хьунмасса пагъмулул залу унувагу, га хьинну мискинсса адамина ивкIун ур: чурхай мачI дирзсса яннагу, ччаннай тIартIсса усругу чан къашайсса диркIун дур. Маммадай ххуйну дукрагу дайсса диркIун дур, мунияту халкьуннал га цала хъатIул мажлисирттайн дукра дан уцайсса ивкIун ур. Амма инсантал, ганал дурсса дукралухнир, ганал учайсса балайлух мякъну бикIайсса бивкIун бур. Маммадай тачIав цала увкусса балайлух багъагу къаласайсса бивкIун бур. Цува хьинну дакI марцIсса, тIайласса инсан ушивруцIун, ганан мяшсса, хIилла-пилларду дусса, чIявукIулсса инсантал къахирасса бивкIун бур, мукунсса инсантураха кьутIинсса шаммардугу ляхъан байсса бивкIун бур. Лаккуй Совет хIукумат дирхьуну махъ Маммадай ивкIун ур цивпалу ливчIсса хьунив хьусса къашавайсса инсантал ялапар хъанан бусса къатлуву дукра дувуну, гайннах уругуну. Цал жагъилтал бивкIун бур Маммадайхъ: «АцIу, ацIу, му вил къатлувусса Къансадил вияту цала гъанчунахъ, Аьлихъ, аьрза бувну бурча, утти Аьлил вицIухсса бантIиссар!» – тIий, хьярч буллай. Маммадай гацIана чайва тIар:

Къаллав Аьлил авь ттупанг,  
Къансадил сситтул ттупанг,  
Хьюрувралгу бувицIуну,  
Хьурвахунмай битача.

Маммадай ляхъан бусса

шаммарду, шеърирду чагъарданий чичайсса къабивкIиссар, ми луттирдайгу къабишайсса бивкIиссар. Мунияту ми, цанная-цаннан баллай, агъалинавух ппив хъанай бивкIиссар. Утти миннуя лакрал халкьуннал (фольклорданул) балайрду хьуну бур.

**Миясат ЩУРПАЕВА**

## Цуми мурхьирдалли паранну кIункIу дайсса?

**Мурхьирдаву** буссар ччяччяни паранну дагъайссагу, нажагъ дагъайссагу, дурагу къадагъайссагу. Ва иширал хIисав лавсун буслан бикIай мурхьирдаха хIурмат буллай оьрму гъан бусса бугъарасса инсантал. Хаснува параннарал палачат буваймур мурхъ пIялутри. О, параннарал цикасагу гьужумру бухIан багъссар азгъунсса хьунивхьу пIялутиртан! ПIялутрал хьирив параннарал рахIму къабуваймур мурхъель бур, ва ттарлил мурхьри, хьирив кIялагъи, бувагу параннарал зулмулхъхьун къабияйссар чинарданул, гьивхъхьул мурхьру ва вяз. Ттарлил ва пIялутрал мурхьру параннарал ххяпурттахъхьун яла чIявуну бириврил савав духьунссар миннул мархри аьршаравух хьинну куртIну ппив хьуну бушиву.

**А. СТИЖЕВЛУЛ**

**бувсмунийн бувну  
«ТIабиастрах ччавулий»  
тIисса луттирава  
(И. Зверевлул редакция).  
«ЧимучIали» хIадур бувссар  
Патимат РАМАЗАНОВАЛ**

## Ца-ца пиш учиннуча



– ВичИ цими дуссар?  
– КIира.  
– Магъ цими дуссар?

– Вин вила оьрмулдува ччиту цалвагу къаккавксарив?

\*\*\*

Нину арснахъ:  
– Тортрал кIива касак буссия бувкьун. Тти ца бакъа бакъар. Виша ва иш бувчIин буван хьунсарив?  
– Хьунсаркъай. Цаннай ттун кIилчинмур касак ххал хьуну бакъар, акъарив мугу къаличIайссия...

\*\*\*

Нину арснахъ:  
– Я, ттул арс, ина мяммал вина ларсэсса игрушкартту циняв гьаргъун дурхха...  
– Циняв къагъагъав, кьютIилу

лирчIунни.

\*\*\*

Шагърулул кIичIираву:  
– Дадай, дадай, дургу та админах, танал бакIрай царагу чIара дакъар...  
– Лагъ хьу, арс, акъарив танан бай.  
– ДацIула, танан цанма къакулссарив цала бакI кIачIасса бушиву?

\*\*\*

Оьруснал шяравусса килисалуву кашинш:  
– Буси, ттул арс, цур цимурца баллалима, цимурца чIалачIима, цимурца кIулма?  
– Чаххувшар.

\*\*\*

– Школалий вин яла ххирамур дарс цумурди?  
– Мукьилчинмур, муния махъ жу шаппай лагару.

\*\*\*

– Мяммай, зу мюршиний интернетгу дакъа ци зий бикIайссияв?  
– Жу оьрму бутлай бикIайссияв, арс, оьрму...

\*\*\*

– Дадай, инсаннахун мунал цалла къадурмунихлу дявви буллалаву тIайлассарив?  
– Гъай-гъай, къатIайлассар.  
– На дарсру къадав...

**ХIадур бувссар  
Бадрижамал АЬЛИЕВАЛ**

Жула устартал

## Канил кушу караматсса заргал

- МахАммадХаж, буси вила оьрмулия. Та, цукун хур вяту заргал?

– Увну ура на 1953 шинал Бархаллал шяраву, заргалтурал агьлу-авладраясса Саэдлул ва Кьурбанхаджитлул кулпатраву. Заргалшиву жул буттал буттахья шихуннай ирсирай нанисса сьнат дур. На ххолчинмур никирал заргал ура. Пайламур бусан, ва сьнатрахун на най уна кьаагьссара. Ттун заргал хьунсса пикривагу кьабикАйссия. На ккарччал хАкин хьун чай уссияв. Бусанна мугу циваннив. На чИвисса чУмал, 10-11 шинавусса оьрчИ ухьунссияв. Новосибирскалий ккарччал хАкинну зузисса жул шяравучу ца авурсса машиналий шяравун увкУна. Ттун муксса та ххуй бивзунахха, тукунсса машина ласунсса даражалийн иян ччан бивкУна.

Ттул буттайхЧинсса цимирагу никирал агьлу Владикавказрай, Назраннай зий бивкУн бур ярагуннил устарталну. Ттун ца дирзсса ттатта МахАммадХаж мусил устарну Назраннай уну, ттул ппугу оьрмулул 14 шинаву таначан лавгун ур мура сьнат лахьхьин. Нара хисав дуллаи, 24 бархьарачу ивкУн ур ярагуннил устарну зий. Миннава 18 жул тухумраясса ур.

Ттуятува тУрча, на, мадара тиха-шихагу увкун, ялара заргал хьусса. Оьруснал учай «зов крови» куну. Ча, оьгту-ттурчАвах дуллумунийн кУнкУ хьухьунссияв ахиргу на.

1975-ку шинал на лавгссияв бутгачан Ухсавнил АьсатГиннавун, Ардон шагьрулийн. Тийх Консерварду дайсса заводрай электрикнун зун ивкУра. ДачИ шинава МахАчкьалалив занахьуну, увхра М. Джемаллул цАнийсса Дагьусттаннал художествалул училищалувун. Мичча байбивхьунуккар ттул заргалналмур ххулу. Училище кьуртал буну махь зий уссияв Художествалул промышленностьрал элмийсса хбиривлявурттал институтраву. Шикку зузисса кИрагу шинал лажиндарай дурсса давурттавацца-кИиннин Совет Дагьусттаннал 60 шин шаврин хас дурсса выставкалий лавайсса кьимат бившуну. Мичча на гьан увнав МахАчкьалаллал художествалул комбинатрайн, творчествовалул устарнал кьуллугьрайн. Сант дагьну дунура бусанна, та чУмал Художествалул комбинатрал директорну ия Шавкратусса МахАммад Айгунов, аьпа бан цал. Комбинатрай зий на кИра шин дурссия. Му чУмалсса ттула давурттава кИиц лагавия «Эмма» ва «Сурулкуртта» тИсса канишру. Мунья махь зий уссияв Дагьусттаннал Художиктурал союзрал художествалул фондрой художник-оформительну, Бархаллал тАхЛунтту дай заводрай художник-технологну. Шикку зузисса шиннардий на, тАхЛунтталгалу зий, архАла заргалшивугу дуллаи уссияв. Дагьусттаннай ца нара усса кИвагу журалул давуртту – керамика ва заргалшиву, кИулсса. Зий унува, шардагу арцу-мусил затру дуллан ивкУра. Ми шиннардий дурсса цаппара затиртташчал на гьуртту хьуссара МахАчкьалаливсса

Бархаллал шяравасса цАнихсса заргал МахАммадХажиев МахАммадХажиная чЯвучин бавссара. Ванал канил дурсса караматсса давурттал цимирагу хьхьичУнсса кИанттурду бувгьуссар личИ-личИсса выставкарттай. Уттигьанну Дагьусттаннал БакИчи Сергей Меликовлул хУкумулийну МахАммадХажинан «Дагьусттаннал халкьуннал художник» тИсса ца дулун ккаккан бунни. НукУра лайкь дурсса бусравсса цагу барча дан, жула буккултрахьгу бусан, на хьунабавкьура ванащал.



МахАммадХаж цала ва арснал бувсса шахматирттай уклады




«Мусил сьут». КИунтI ххалуисса караматсса ваза

Москавлисса выставкарттай.

1988-ку шинал МахАчкьалалив на зун ивкУра мебель дайсса цехраву, тIаннуу накьич дишайсса устарну. КИулшивуртталгу, опытралгу ттухьхьун ччимур материалданушчал зунсса каша дуллуну дия. Ялу-ялун ттувун кИунтI ххалуисса давуртта гьира багьлан бивкУна. Му ппуртту хьаннил чЮлушиннарду дурссия. ЛяличИнура кИиц лагавия 1989 шинал дурсса «Краса Востока» тИсса хьаннил мухИлу. Ва дурну махь бивчУна ттун ттушара ляличИсса затру дулла бюхьантИшиву. 2000-ку шинал на увкУра Костромаллал областьрайсса Красное-на-Волге тИсса шяравун. Зун ивкУра тиккусса художествалул дуссукьатлуву заргал-модельщикну. Тикку ттун хьиннура куртИну лархьхьуна кИунтI ххалуисса давурттал кьолтИшивуртту. МахАчкьалалив учИайхту, айивхьура кИунтI ххалуисса ваза дуллаи. Жанграл дуршусса арцу-мусил ваза хьус-

синьяв кьадагьссар выставкарттайн. Дагьминнул хьхьичУнсса кИанттурду бувгьуссар. ЧЯвучин бавссар ттул пайтГундалия, шахматирттая, вазалия.

Заргалтурал дянивсса республикалул конкурсрай «Британия» тИсса ттул пайтГундалул бувгьуссар цалчинсса кИану. Художествалул ххуллий зузиминнан ххуйну кИулссар кИунтI ххалуи дурсса «Мусил сьут» тИсса ваза. Мунил бувгьуссар выставкалий кИилчинмур кИану.



«Краса Востока» тИсса хьаннил мухИлу



«Британия» тИсса пайтГун

- Ми дансса пикри цукун хьуна вин?

– Великобританиянал королева Елизавета 2-мунин бирлиянтрал хьатГуйн Австралиянал хУкуматрал бахшиш дурну диркИссар мусил пайтГун. Интернетраву му ккарккун, арснал увкунни: «Буттай, хьунсса-рив укунсса дан?». Кьахьунсса учайххивав на. Ттуву пишалул жин сукку хьуна. Телефондалувусса сурат башттанна чИрисса дия. Хьунна дурну, гьарица чулуха хисав ларсун, зун ивкУра. ПайтГун дурссар 2020 шинал. Му дуллаи 900 гьантта хьуна.

Шахматру бувссар арсналгу, навагу 2013 шинал. Муттул чьанивасса хиялъя. Зувира шин хьухьунссия му пикри ттул бакИрава кьабуклай, цукунсса бансарив, сьая айишинсарив кьакУлулу. Ца ппурттуву, бакИравун пикри буххайхту, шьяивкУн, га цАна эскиз дав. КИинналагу буллаи, 9 барз хьуна кьуртал бан. Шахматру буллалийни, цахьис захИмат хьуна балчан бан. Циньяв кьалипру хАдуру, балчан цукунчАв жун

дакI дакьинсса хьанай бакья. Дуньялий цавай жул шахматру бусса кИунтI ххалуи бувсса. Вай буссар цаппара кьуллугьчитурачА, Дагьусттаннал кьатГувссагума.

1979-ку шинал выставкалий ттун ккарккуна цАнихсса ГьуцАлтИиял заргал МахАммад Жамалуттиновлул ваза. Мунил ттувун зуву руртуна. Цукун дан хьынавав тИий, бакИрава дуклай дакья. Ахиргу, на ттула хиял дузрайн буккан бав. На дурмур ваза хьиннура устарссар, давугу захИматссар. Му дуллаи ттул шин ва дачИ хьуна.

- Вила экспонатирттава яла дакИнил ларсмур ва яла багьлул ххирамур цумур хьанай дур?

– Яла багьлул ххирамургу, дакИнил ларсмургу пайтГун дур. Ва яла захИмат хьумургу дия, муньяту бухьунсса.

- Та ва цукун багьай вивун творчествовалу гьавас?

– Му бивчИин бан шайсса зат бакьар. ПайтГун дурсса чУмал вивату ачА увксса куннасса тагьар дия. СсахухчАв гьан бюхьлай бакья. КИира шин хьуссар цичАв кьадуллаи. Цурда му чУнгу оьнна кьаларгссар. Ттувун цамур гьира багьуна. БатГлан ва чичлан ивкУра лувлякьурду.

- ЦАна ссаха зий ура?

– Ттушара мухИлу ларьсса хьамитайпалул ганичУнсса амбарча заказ дунни. ЦАна мунья хазий ура.

- Дуссарив инара шарссанин ягу оьрчИан бахшиш дурсса, ирсирай кьаритансса эмарат?

– Цалсса ттигу дакьар мукунсса зат, дан аьркинни. Дахханасса ци-дунугу оьрчАл оьрчИан дансса гьира бур.

- Цими оьрчИ бур вил? Бурив миннаву заргалтал?

– Ттул кИия арс ва ца душ бур. Загьиди тИма арс заргал ур. Заурдул Москавлив Экономикалул институт кьуртал бунни. Ва заргалшиврия архсса ур. Душ Рукьижатту му чулухунмай гьунар бусса бур. Чун дусса чУмал, дуллан бикИай ци-дунугу. Амма ичАллил кьайгьурдаха заргалшиву дансса мутта кьабирийи ваныхьхьун. Цуппарив кару мусилсса, фантазия дусса бур. Вин ккаккан хьина ванил оьл-гьаттара бакьайсса хьу. Яргсса сирданух мультфильмардал персонажур бивхьуну, чЮлу дурну дуссар. ПиртГу ссавнилусса музей. Ва Дагьусттаннал педуниверситетрал художественно-графический факультетрай дарс дихьлай буссия. Тичча аспирантуралувун гьан буллаи бия. Кулпатрал хьусса хьамитайпалухь мукунсса сант кьадикИайхха, кьалавгунни.

- Ина дазул кьатГувсса выставкарттайгу гьуртту хьуссарав?

– Экспонатру тихун ларсун гьан, мюхчан дан, ххуйсса кьарал бугьан чЯрусса арцу аьркинни. Эмаратру дахлай акьахьувкун, ттучА мукунсса арцу дакьар. ЖучАрагума декоративно-прикладной искусствалул выставка дусса чУмал, жул затру 2-3 сьатрайсса дакьа кьаритай: багьлул ххирацца духьувкун, гайннул жаваб дулун багьлай буну тИий.

- Барчаллагь, МахАммадХаж. ТачАв кьалешаннав вивусса гьавас, кьадарчИаннав кару!

Ихтилат бувссар  
Адриана АБДУЛЛАЕВАЛ



Адабиятлар  
лаҳин

## ЗИЯУТТИН АЙДАМИРОВ

### Шикаят

В хавар на ляхъан буллаи акъара, ягу хъун буллаи акъара, га цуппа хъусса кушуй буллаи ура. Ванияр ца-кИива зурул хъхичИ, маркИачИая махъсса чИун дур. Гъавалии тИуркИулий бивкИсса душ бивкИунни:

– Мяммай, ва адамина шивах лак цИухлай ияча, жуннийна уцав, – тИий. На цичИав учиннин ганила хъирив увххунни ца угъарасса адамина, цала шавайни-ниргу сивсуну:

– Аллагънал хъамаличув итаннун? – тИий.

Ганал явш бивтсса яруннаву хъярчили хИисав хъуну, нагу хъярч бав:

– Аллагънал хъамаличув АллагъначИан гъансарча, ина ачу ва ххуллухъсса ттул хъамаличув хъу.

– Хъуссарача, уссил арс, ма, дугъи чал хъхъури, – къужлул ттухъхъун цала канихъсса, лахъисса энттугу дусса, чан-тай буллуни, хъхъирхъхъи тИий хъян-гу ивкИун, яла, цакуну буняласса куц-гу дурну, ххибунни: – Ургула, уссил арс, ттул ва шагърулий арсгу ур, душгу буссарча, цИана на арсначИату, гагу иширай лавгун уна, ца душничИан иянна тИий най уссияв. Утти, ва апттабуз баххана багъ-сарив, нава цамур кИанай ливкссарав, нукИуяцИа луглай, душнил къатта лякъин къавхъунни.

На, ганай цИми хъуну, цала душ-ничИан, арсначИан иян аннача тИий цИухлай, я цанналагу къатлул тарих, ягу кИичИраваллил цИа, цичИав кИулну бакъая. Тти гъунттий чаннахъ лякъинсарча куну, жуннийва паракъат ав на га:

– ЛичИирав, жугу лакрухха, жучИа ацIу.

Хъамаличувнал нукИува цалагу му пикри бивкИшиву бивсун, цан цанмалусса кИану ккаккан бара куну, тавакьюниргу амру бивсса кунма увкунни. Цибансар, буттахъал аьдат зия дан къабучИия, хъамаличувнал бивсса амрулий ацИан багъ-лай бия. На, оьрчИругу жува утубишай къатлувун бизан бивну, га къатта ганайн тапшур бав. Цуну ттучандалияту лавъ-сса кунма, ххарину ках тИийнасса ганал лахъисса чИири аьжаив бивзссияв, къинт-туллуха ккаркгу ссуссусса ссуникИурттал къяпуй махИаттал хъуссияв, оьрчИру бур хъамаличувнаяту я буцан бан къахъанай, лулттува тамашалий.

ЖанакИраву синттул ккалушругу лир-кун, цала хИажакрал никру кунма аьгъуну цИай-цИай тИисса махИсащал увххун къатлувунгу, пахрулий кунна бакИгу гъаз дурну, хъамаличувнал бигар бивхъунни:

– Шиккун ттухъхъун гунгуми ва тИясгу, чаклилун дутанмургу дула!

На, анаварну ца дугъарасса сир бивк-вяртIагу, шин дусса къяпанниКгу, ца шан-нийхрутугу дуллуно, га цала эбадат дул-лалиссаксса итаннача ахкъавчуну куну, шихунай увкра. Ца ацIра минутIрава танайн дукралухун оьвчин лавгсса душ бивкИунни цааххандарал хъуну, ттучИан леххаврий:

– Мяммай, нанула тивун! Жула хъамаличув ур, ца аьжаивну цахъва цувагу гъалгъа тИий, яругу ссука битлай, цала бакИ шях бишлай!

Най буна хИисавравун къалавсун, левчусса ттун, хъамаличув ххал шайхту, хъяхъаву ларчИунни. Яла лапва банд лав-гун ливчИсса душнихъ бусав:

– Танан цичИав къавхъуссар, мяммал, га чакри булалисса.

На, тихунмай бивцуну, душнин иш-тагъар ссаву дуссарив, дин-эбадат циривгу бивчИан бивну занахъуннин, хъамаличув, чакгу къуртал бивну, гиккува никирттай шяивкИна дуаьртту ккалай ия. На ялун увххун, га ябакИгу бивтун, ттуй бивкъу-аьй дуллан ивкИунни:

## Юбилейран хасну



**Айдамирдул арс Айдамирхъал** (Айдахъал) Зияуттин увну ур май зурул 8-ний 1928-кусса иинал Лаккуйсса Дулчиннал шяраву.

1942-кусса иинал буттал шяраву ххюва классгу бивкуну, зий ивкИун ур колхозраву илхъичину.

Муния махъ, къалайчинал касму-гу лархъхъуну, буттацал архИал зий ивкИун ур Азирбижаннаву, Арманинаву, къалайчинал пишалуцIун лавхъхъуну бур азирбижан ва армани мазругу, дус хъуну ур баргъбуккаваллил билаятирттал литературалуцал.

Тиха занахъуну мукъах, Шуссалакрал райондалий школагу бивкуну, увххун ур Дагъусттаннал медициналул институтравун. Му къуртал бивну махъ зий ивкИун ур хИакиннал пишалий, цал шанна иинай Казбекуллал райондалий, яла МахИачкъалалив личИи-личИисса кИанттурдай.

Зияуттин Айдамировдул «Ламус» тИисса цалчинсса хавар бивцину бур 1961-кусса иинал «Дусшиву» альманахрай. «Къирият» тИисса цалчинсса къисса бивкуну бур дуняллийн 1965-куса иинал.

Махъсса ацИнияхъайсса шиннар-дий Зияуттин яхъанай уссия Лакрал райондалийсса цала буттал шяраву – Дулчив. СсахчИавгу къаурувгун, диялсса захИмат-жапашивурттугу дурхИуну, цала ппухълуннал аьрицарай миналул шаву – му, жул пикрилий, ца цила зумунусса виричувшив-рун, яхИ ххишиврун ккалли бансса зат бур. ЦацIунма бавкъусса ххаллилса кулпат ПатИматлуцал архИал Зияуттиннуца бювхъуна сайки духралар-гун дирКИсса цала буттал шяраваллил рухИ, чан-къансса духъурчагу, утта дуккан дуван, царнил аьратталсса эял-лай умудрал нур дизан дуван. Му жунма хъинну чИявуссаннан дарсуну ласун-сса зат бур.

Февраль зурул 13-ний 2009-кусса иинал Зияуттин лавгссар аьпал-ухъхъун Лаккуй, цала буттал шяраву, кИиккува увчунугу уссар.

Р. БАШАЕВ



Зияуттин Буттал миналий

– Я ттул арс, зу бусурмантал бакъар-ув? Вил оьрчИан бусурманшиврул ххул-лурдая цичИав къакИулсса циванни? Ми аьдат булалисса вахИну цири, чак-зума цири къакИулну?

– Буттауссу, вай ттигу мюршину буну за къакИулну тИийрича, хъуни хъувкун, лахъхъинтИиссарча, – аьй лихлан ивкИра, угъарасса хъамаличувнан къачан бикИан къабан. Ялагу мумур-тамур буслай, хъамаличув ялтту учИан ав. Гикку на увку-сса лергълил дакИ кИукИлу лаган дурссияв, адаминал, мадара аьчух увккун, ттухъ цува Хъуннащатусса малла ушивугу бив-сун, шикаят бунни:

– Ци чиви, ттул арс, вийгу аьй цу-кун дави. Бугъараминнаву цила ба-гъай ххуллий чакгу, дингу дайсса арамтал хъинну чансса бакъа ливчИун бакъари. Вана халкъ, ливну, зия хъуну бур. Къудур, хъуну, ссахИлин бивчусса къама ласайсса

акъари. Цадакъа баймур тти ппиринж, качар бачИлай бур. Циняв къявкъаннар-рай бивхъуну, мирагу ласайсса акъари. ХъхъичИва кунма, хъат дуллуно чири бан шярайх уккугу шархъайх луглай ляхълай акъари. Укун нарчан, ца ацIра шинавун-нин Аллагънал цИа зумух ласайсса инсан-вагу къаличИансар, ччатIулгу къадру бивагу къабикИансар тИий ура.

– Ина шилун укуна, вила оьрчИачИан аьлтту уккан увкИхъунссияв? – махъ лях бутав на, хъамаличувнал гай кИусса пик-рирду ххиен бан.

– УчИайххурав, ттул арс. Ттула пенсия-лулшиврий увкИссияв. Та хъунмур кИанайн ивну, циняв хъунив хъусса чиваркИуннан бихълахъисса пенсия ттун циванни къа-багъайсса учин.

– Ина тИайлара, – учав на ганахъ ада-вай – га чиригу, цадакъагу жуйва ялвусса за бухъувкун, бан аьркинни.

95  
ШИН

## Мяркъу

Зун кИулхъунссархха Бяндун? Вар, Закарив, уссил, кИа жул ккалуз-рал ппирсидатИивнал замисттитИил. ТИайлассар. цала уссур-ссуннал кИанайн «жул Бадруттинни» учайсса, районда-лийсса къуллугъчитураллив «Сулайман-нуп» учай. Цал Аьзихъал ПатИхъгума цИухлай ивкИун ия ца гиха увкИсса къул-лугъчи, «Сулайманупхъал» къатта чув буссар» тИий. ПатИил: «Цу Сулайманну-при, ттул арс, къадакИний урхха?» – увку-кун, къуллугъчи ивкИун ур: «Акъарив-вар, урчИа чулух шанна мусил ккарччигу дусса...», – тИий, бивчИан буллаи, Бяндун шяравуминнангу ккарччи ккаккан ди-тайсса ххай. Агарда, «бэц бивкИсса яру-гу бусса...» куну бивкИссания, ПатИин бивчИинссия ихтилат Бяндуну бушиву.

Гъаман, кИа Бяндуну ур къашавай. Хъу-ни хъаннил зай лавчИсарив, уссил шар-нил гъакъ бивссарив, ва шанма гъантар аьракъилул ххуввагу къаувкуну. Хъуни хъаннил зайрдуня хъхъичИвагу чансса къаучайхъунссияча, кИа мискин, аьлттан чИалай, га пашара уссил шарнил хъус-са мяркъуллул увтунни. Ца цалама, чилма къакИулсса, кукулсса адамина ивкИссания, гъич учивияв, амма уссурссуннаву ччаву дусса, цана цува кИулсса Бяндуну муку-сса гъалатI цукун итхъяхъссарив.

Хъумур цирив кИулливар? Цархъхъу-нил хъхъичИ къини Бяндуну най ивкИун ур гиха. ШанбачИулий цала хъхъичИун ка гъаз дуллалисса, ца чИивисса оьрчИашалсса, цамангу хъунма хИал ливчИун бакъашиву чИалачИисса шарсса хъунадаркъуну дур. Мурчяту ва дякъияту кИучИ дурну, ганил лажингу къачИалай диркИун дур. Шофер-нал цИувххуну бур, Бяндунгу, кагу галай дурну: «За бакъар, шярити», – куну бур, рахИму бивну. Шофер, анаварну каби-налува увккун, цила чьмадан ккузалийн палцI буллан ивкИукун, шарссанил мин-нат бивну бур: «На чансса сагъ бакъа бу-рачакъай, лажиннича, на му ккабиналу-ву шябити», – куну. Шофернал, дякъил някИ лаган увсса оьрчИай язугъ хъуссарив, зурзу тИий зума дахъан къахъанахъисса шарссаний цими хъуссарив, ламуснува Бяндунхъ бивсун бур шарссанил бивсса тавакъю. Микку Бяндун: «Навагу инжит-ну ура», – куну бур кутIану. Ялагу, шо-фер шарссанияту буслан ивкИукун, сси-бивзун, Бяндун гъужум бивну бур: – «Ми сабраниярттай бусай хаварду жучИавагу буслан къаикИайссарча, най духъурчан шядикИу уча кИий, дакъахъурчан, къари-ти, ачу», – куну.

Чара бухлавгун, шарсса ккузаврайн лархъун дур.

Шяравун бивсса чИумал шофер, ма-шинагу бацИан бивну, кабиналува увккун ур, шарссанихъ цурда чув ликкан ччай дуссарив цИуххин. Амма га цИана, кИия чИаврайх хъат риршусса куну, махъунай занахъуну, Бяндунхъ бивсун бур: «КИа зула къатта цИухлай дур», – куну. Цамур шя-равату увгъусса шофернан къадурчИуну цала гъансса, маччасса шарссарагу да-къарвав тИий, шак багъну, кабиналува-ту увксса Бяндун дахъа бивчИуну бур, архсса билаятраятун цаннийнма бивкИсса, цими-рагу шинай къаккавксса цала Къасиннул кулпат – Сакинат.

Микку Бяндун, банд лавгун, бан-битан бакъа ливчИун ур. Тикку хъусса ссикъа-цилул увтсса Бяндуну ттигу изан увассар.


Муниятур шофертал цамур шярава-тусса бивгъуну къахъинсса, гъанма ва ятма личИ ан шаваншиврул, жулама ва чилма аьйкъин къааваншиврул.



Юбилейран хасну

# Тикрал къашайсса гьунарданул заллу

Майрай 110 шин хъанахъиссар РСФСР-данул лайкъ хъусса артист МахIаммад Мусалаев увну



МахIаммад Мусалаев

МахIаммад Мусалаев ккал-лину ивкIун ур цала заманнул халкъуннан ца яла ххирама ва ХIурмат лавайма артистнан.

Ва дуняллия лавгун ур оьрмуллул ва творчествалул аргъираву. ХIакъину жунма жапа хъунссар артистная бусан бюхъансса даврил уртакъталгу, тамашачиталгу лякъин. Мунийн буну, пикри хъунни ххилтIу дан жула цIанихсса театровед Гулизар Султановал чичурду.

1940 шинал, Дагъусттаннал автономиялун 20 шин хъанахъисса юбилейран хасну, Дагъусттаннал циняппа театрда яIалав буну бивкIссар революциялия ва Дагъусттаннай совет власть дишаврия бусласисса спектакльлу бишин.

Тай шиннардий Лакрал театрданул сахIналий итгалун агьну ур жагьилсса артист МахIаммад Мусалаев, цувагу та ппуртту-ву дахьа Закавказьелия ватандалийн увкIсса.

Ванал оьрчIшиву ларгун дур Гуржиянаву ва Азирбиджаннаву, заргалну зузисса буттауссил дуссукъатлуву пагьлашиву дулай. Оьнасса чIумал, халкъуннал макъанну рудлай, мандолина, дачIу канища шяв къадишайсса диркIун дур. Магьирлугърахсса гъавас дакIниву лекъашайсса жагьил сахIналийн уккансса хияллай ивкIун ур.

Ватандалийн занашайхту, Лакрал театр тIивтIусса бавну, дакIнил кIункIу увну, лавгун ур артистну зунсса шавкъирай. БакIрал, чурххал оьвхъусса ушивруцIун, тIабиабтралва буллусса гьунаргу цихлува цуппа гьалгъа тIий лявкъуну бур. Чимур сиппат устарну ккаккан дан, чIюлу дан бюхъу бусса МахIаммад Мусалаев най унува итгалун агьну ур режиссертуралгу, даврил уртакътуралгу, тамашачитуралгу.

Мусалаевлун тIайлабацIу ххулийнсса цалчинсса шаттирду Ттуплисулал ГИТИС-рал режиссертал хIадур байсса факультет къуртал бусса, жагьилсса пишакар Павел Васильевич Джапаридзел каялувшиндаралу ласлан къьмат хъуну. Даки марцIсса ва цайрасса жаваблущинна кIулсса Джапаридзе зий



МахIаммад Мусалаев урчIаха цалчинма. Москвавив декадалий ккаккан бусса М. Аьлиевлул «Буттал шяраву» тIисса пьесалувасса лахIза.



Москвавив декадалий

пасса драматический сиппат М. Мусалаевлул.

Буттал КIантул цIанийсса Бхъун дьявилул бяличIан буну бур артистнал творчествалул ххулулу. Цалчин хушрай наниминнаву х лавгун ур Ватандалухлу талан. Ххувшавришал заняхъуну махъ, цIуницакулгу ххирасса даврихх лавгун ур, ххарину битлай ахьтта шярава шяравунсса ххулурду, бьвкъусса клубирттаву спектакльлу ккаккан буллай.

Ва ия цала персонаж ляличIину яргну ва агьамсса инсанну ккаккан ан бюхъайсса даражалул артист. Минкаил Аьлиевлул «Аздар» тIисса пьесалуву Мусалаевлуца бювхъуна цала рахIму бакъашиврийну тахсир хьуминнавун зурзу бутлатисса Агьларханнул образ устарну ккаккан дан. Островскийлмур «Жува жулару» тIисса пьесалувугу Мусалаевлуца бювхъуна инсантал хъяврив буллалаврийну цаннасса кIалан цала дурксса, биргъаравсса савдажар Большов устарну ккаккан ан.

Д. Джабарлылул «Севиль» пьесалиясса спектакльдану Мусалаевлул дургъусса Атакишинал роль Дагъусттаннал театрдал смотрдай ккалли дуруна актер-

ивкIун ур кIулшивуртту актертурал кIидачIлай, творчествалул гьарца къюлтIшивуртту лахъхъин дуллай. Постановкарттангу ванал язи бунгуну бур цIуну хъанахъисса актернал гьунар аьч бансса драматургиялул произведениертту.

Лакрал театрданува Джапаридзел бивхъусса цалчинсса постановка хъуну бур К. Треневлул пьеса «Любовь Яровая». Миву Мусалаевлухъхъун дуллуну дур Михаил Яровойл роль. Къабибъану бивкIун бур жагьилсса актернан, цала гьан-маччаминнайгума рахIму къабуну, большевиктурацал талай ивкIсса совет властьрал душманнал жуласса сиппат ккаккан дан. Амма режиссернал кумаграцIух бювхъуну бур, совет властьрал душманнал чулухунмай зидлийсса цала асардалгу ялтту увккун, сиппатрал вив уххан. Миллатрал ва классикалул драматургиялул хасиятру ккаккан даврил ялув буллалисса захIматрал иян увну ур Мусалаев театрданул ца яла хъхъичIунсса артистнал даражалийн. Ванайн тапшур дуллан бивкIун бур агьамсса ва жаваблусса роллу: Агьлархан – Минкаил Аьлиевлул «Аздар» тIисса пьесалуву, жагьилсса дазурду дуруччу Надир – Г. Мдива-

нил «Къирият» пьесалуву, Айгъзи – Р. Фатуевлул «Зунтгал халкъ» пьесалуву, Сганарель – Ж.Б. Мольердул «Гужрай хъусса хIакин» пьесалуву.

Республикалий актершиврул магьирлугъ хъхъичIуннай даврил цIаний бусса захIматрахлу ва творчествалуву дуллалисса чялишса даврихлу, Дагъусттаннал ХIукуматрал Указрайн буну, жагьилсса артист МахIаммад Мусалаевлун дуллуну дур «Дагъусттаннал лайкъ хъусса артист» тIисса ца.

Творчествалул потенциалданун ва актершиврул бюхъулун бивхъусса лавайсса къьматран лайкъну увккун ур Мусалаев гихунмайсса сахIанул ххулийнгу. 1940-ку шиннардил дайдихъулий Лакрал театрданул художествалулмур даврий каялувшиву дуллан увкIун ур пишакарсса цIусса режиссер А.П. Васильев, цувагу Джапаридзел творчествалул ххулийн нанисса.

Васильевлул бивхъусса Лавреневлул пьесалиясса «Хъякру» спектакльдану Мусалаевлухъхъун дуллуну дур Годуннул роль. Вардишса журадар яувцун, лап устарну ккаккан дуруна совет властьрахлу талатисса халкъунава увксса, цIусса инсаннал жа-

шиврул хъхъичIуннайшиврун. Артистнаца бювхъуна даки тIайласса ва хасият кIукIлусса инсаннал къадар ккаккан бан. Ф. Шиллердул «Лавмартшиву ва ччаву» тIисса пьесалуву Фон Вальтердул роль Мусалаевлул шаллу дурну дур Дагъусттаннал халкъуннал артист хъуну махъ, пацагу устарну ккаккан дан бювхъуну бур заманалул лишан хъусса инсаннал сиппат.

МахIаммад Мусалаевлул язими давурттан ккаллину дур М. Кьурбановлул ва У. ХIажигаговлул пьесардавасса Малла Насруттиннул ва Машади-Ибядлул рольлу. Яргсса ва рангирдал авадансса дия тава У. ХIажигаговлул «Аршин-мал-алан» пьесалувусса Рустамбаглул рольгу. Бюхттулсса, дугърисса, аькъилсса аьралуннал бакIчи Шамхал – М. Аьлиевлул «ПартIу ПатIима» спектакльдану.

Цумурцагу сиппат, га ххуйсса духьурчагу, оьккисса духьурчагу, артистнал чIюлу дайва цала хатIлийну. КуртIну аьч дан бюхъайва ганаца цала геройнал агьамур хасият.

1960 шинал Москвавив Дагъусттаннал литературалул ва магьирлугърал декадалий «Буттал шяраву» тIисса М. Аьлиевлул пьесалиясса спектакльдану Мусалаевлул дугъаннагу дургъусса ца чIирисса роль, колхозрал бухгалтернал Хаслул роль, Москвавулал критиктурал ккалли дурну дур постановкалул ца яла тIайлабацIумур рольданун. Артист цувагу лайкъ увну ур РСФСР-данул бусравсса артистнал цIанин.

ЧIавусса спектакльлаву увккун ур МахIаммад Мусалаев гания махъгу сахIналийн. Ва гьарцагу ганал дургъусса роль ккалли хъуну дур театрданул яла хъхъичIунсса актершиврул даврин. Мусалаев ия хъунанангу, жагьилнангу, чIивинангу ххирасса актертуравасса ца. Га цала сиппатравун мукун уххайва, ва гьуртту акъа спектакль шаллу къахъун кунма чIалансса куцуй. ТIабиабтрал ванан буллуну бия гьунар гьарца сиппатраву къама лякъин бюхъайсса. Мунияту тикрал къахъунну ккаккан дайва сиппатру классикалул хъуннав, ттизаманнул хъуннав, миллатрал хъуннав репертуардану.

Оьрмуллул ва творчествалул чагьираву, 51 шинаву лавгун ур дуняллия лакрал тамашачитуран ца яла ххирама артист, ларайсса чIардан ва наградарттангу лайкъ хъуну: ДАССР-данул лайкъ хъусса артист, ДАССР-данул халкъуннал артист, РСФСР-данул лайкъ хъусса артист.

2003 шинал декабрьданий, артист дуняллийн увккун 90 шинал юбилейран хасну, КIуврав, шяраваллил агьлу ва лакрал миллатрал вакилталгу бавтIун, абад бувссар МахIаммад Мусалаевлул аьпа, ва ялапар хъанай ивкIсса къатрал чIирай мрамрарчил ула лачIун дурну.

ХIадур бувссар  
Зулайхат ТАХАКЪАЕВАЛ

Юбилейран хасну

## Ца машгурсса алимчу-микробиолог

Май зурул 20-нийн 90 шин хунтиссия Ккуллал шяравасса, Дагусттаннайгу, республикалул кватувсса регионнайгу ца машгурсса алимчу-микробиолог, профессор, ДАССР-данул элмурдал лайкь хусса ишккаку, Шагарамазанул ар Кьурбанмахаммад Оьргъевулун.



Кьурбанмахаммад 1991 шинал Ккуллал Кьинилул шадлугъ-рай шяраваллил цанихсса инсантурал дянв

### Патимат РАМАЗАНОВА

1951-ку шинал школагу кьуртал буну, Кьурбанмахаммад увхун ур Дагусттаннал шяраваллил хозяйствалул институтрал ветеринар факультетрайн. 1956-ку шинал институт кьуртал байхту, кира шинайсса тайла увкун ур Таджикистаннай ветврачу зун. Ванал кьулшиву ва элмулхсса шавкь хисав хуну, тичча ва увцуну ур Таджикнал элмурдал академиялул Исса Элмулул ва хьиривляявурттал институтраву зун. Амма Кьурбанмахаммадлун, бугъара хусса нину-ппу ва кия уссу буну, шавай учлан чай бивкун бур. 1958-ку шинал ахирданий занахуну ур буттал шяравун. Ва най унува ивгун ур Ккуллал колхозрал Кочубейливсса районнал дянливсса ветеринар лабораториялул хьунаману. Колхозрал председатель Махаммад-Хажиевлул ххаришиврул дазу-зума кьадиркун дур, элму дуркксса ветврач колхозраву зун увкун тий.

Дявь кьуртал хуну махсса шинну, гьай-гьай, Ккуллал жяматрангу захимат-жапасса диркун дур.

«Хьунмасса талихИран хисав бан бучиссар 1956-ку шинал колхозрал председателю Хажиев МахаммадХажиев итаву. Ванан кьулну бия экономика гъаз дансса тагъар ятту-гъаттара ябавриву душиву. Амма яттил аьдад, личи-личисса азарду диллай, чан хъанай дия. Мунийн буну аьркинну ия ххуйсса специалист ветврач. МахаммадХажиев ва Кьурбанмахаммад чяни цаннан ца бувчИуна. Цалла даву хьинну кьулсса, ца ххуллийх, ца пикрилий, маччашиврий, дусшиврий, элму ххирашиврий бакъагу, халкьуннал ахвал лавай баврил цаний жанну дьулун хадурсса чиваркИ бухъувкун, цала-цала канттай киягу колхоз гъаз дуллау улувкьуна. МахаммадХажиев Кочубейлив тивтИуна Кьурбанмахаммадлун элмулул «полигон». Угу-увкун: «Ччимур хайвандалий эксперимент бува, амма жула ятту ци азардал вакссава баччибакъа литлатиссариву кьул бува, ттул цания вина кумагран ччи-

ма колхозникгу тлав уву. Ттул шала умуд утти вийнни, даврихун агъу», - укун чичлай бур тай иширттая ванал шяравудуш, Ккуллал тарих батлай, чичлай бивкИсса Гулинжан Кьурбанова. Кьурбанмахаммадлулу, лахъи лаган кьабивтун, опыту буллау, кьул буну бур ятту ци азардал литлатиссарив ва ми азардан савав шайсса дарурттугу утинин чувчИав бакъашиву. 1966-ку шинал, Кочубейлив зийгу унува, Кьурбанмахаммадлул дуррччуну дур элмурдал кандидатна диссертация, 1981-ку шинал турчарив – доктор хьунсса диссертация.

1967-ку шинал Махачкьалалив Ветеринар институт титлайхту, гикку зун тлав увну ур Кьурбанмахаммад. Вагу унгу-унгуну элмулул давурттаву кьувтИуну ур. Хьунмур маэшат ризкьилий буллалисса Дагусттаннал колхозирттаву ятту-гъаттара литлаврийну хьун- хьунисса зараллу хъанай бивкун бур. Гунар бусса алимчу Кьурбанмахаммадлул буккан буну бур дуняллийн ризкьий хьин булланса вакцинарду. Ми ххалбивгуну бур Гьарун Саэдовлул цанийсса колхозрал «полигондалий». Ми дарурттайн амну «палитаксин» тий бур. Гьамин Кьурбанмахаммадлул ккаккан бусса вай дарурттал дозарду ишла буну, бурччан бивкун бур ятту-гъаттара, хьун хъанай дарчуссар миннул аьдад. Машгур хьуну дур шалагу Совет Союзрай профессор Кьурбанмахаммад Оьргъевулун ца. Ванал дурсса давурттан багъа бившуну, дуллун дур СССР-данул ВДНХ-луларцул медаль – та чьумалсса лахъсса награда. СССР-данул Министуртал советрал хьхичИ бивхуну бур масъала – ятту-гъаттарал чьирусса цуцлавурттан савав шайсса вакцинарду итабакьин. Ва проектрал хьунаманугу профессор Оьргъев ивгун ур. Ва давугу ванал бюхъулий чулийн дукан дурну дур. Ванал тамансса элмийсса давуртту чирчуну дур, хьакьинусса кьинигу шяраваллил хозяйствалул касмурду ва гьаттарал хьакьиннал касму лахъхьин дуллалисса вузирдаву студенттал ванал учебникирттая лахълай бур. 1985 шинал Махачкьалалив



Кьурбанмахаммад Оьргъев

итабавкьусса «Яттил лахъай азардал профилактика» тисса ва Москвалив Россельхозиздатрал 1987 шинал итабавкьусса «Клостридозы животных» тисса луттирду тлавну бур вузирдаву, колледжирттаву, ризкьилуха зузминнаву. Ванаятусса уртактурал цаппара пикрирдугу.

Профессор Оьмар Юсупов: «Оьргъев Кьурбанмахаммад Дагусттаннай акъассагу, шала Союзрайгу ия лахъсса даражалул микробиолог. Паччахьлугъран ванал бусан кьашайсса куцуйсса хайр биян буссар, азарду кьадилансса, ппив кьахъанансса чаранну льявкьуну. Ванал буккан буссар клостридозирттайн кьаршисса полианотоксинну».

Ветеринар элмурдал алимчу, профессор Леонид Кериллов: «Кьурбанмахаммадлуя хьунасса алимчу хьуссар шилчИав кула кьабувну, цанчирчан ва машхар хьусса элму утинин шилчИав лархъхьусса кьадиркун тий. Ванал лахъсса даражалул мяррипатрал цацанма кункИу байва чьивусса халкь. Ванал дия машан ласун кьашайсса чувшиву ва марцИшиву...».

Алексей Хажиев: «Цала дуллалисса цахъсса даву саварвай, Кьурбанмахаммад Оьргъев хьунмасса хурматрай икИайва, Ккуллал ризкьичитурачИа акъассагу, Дагусттаннал циняв колхозниктурачИа. Шинай шинайн гьарза хъанакьисса ризкьилуя дучИаймуниву гьарца колхозникнал дакИ марцИну бусса захимат бушиву кьулсса колхозрал председатель Хажиев МахаммадХажиев ххарину ва пахрулий икИайва, ми ххувшавурттаву хьунмасса бутла Оьргъев Кьурбанмахаммадлул буссар тий. Ва зун айивхьусса шиннардийри Гьарун Саэдовлул цанийсса колхозраву гъаз хъанай дайдирихьусса ризкьилул аьдад».

Жавгарат Кьурбанова: «Овьхъусса, битавсса, журат дусса адамина икИайва. Элмулувун кьувтИусса. Аслийсса зунтталчу. Дурккучу. Интеллигент. Хьакьсса алимчу. Даки хьинсса инсан. Ванал цанил хурмат элмулул дуняллий лахъсса бия. Ризкьичитурал, ятту-гъаттараху зузминналу ванал ца зумату шяв кьадисайва тай шиннардий. Ва ия ятту-гъаттара бивкИлул ххьипуртташа зеххинсса чаран льявкьусса алимчу. Гьарзатраяр даврилмур кьуллугъ хьхичИунсса, ятту-гъаттара азардая ххассал бувавугу цала адаврал буржу чьалачИсса. На вайнайин совет заманул алимтал учара. Ва ляличиссара никри. Укунсса алимтал буллау бан кьашайсар, миннаву элмулхьусса зуву, гьира-шавкь обьту-ттурчИавура, туннурдавура дикИайва».

Махъсса шпурттуву цаппара жяматийсса ишккакултрал ва цай-ммигу активисттурал элмулул дуняллий бусравсса алимтурайнсса гужумру чьалай, лагу-лахъунгтая ккалай, ттул ттулва студент оьрму, ххаллилсса алимтурал каялувшиврийну нава элмулхуа зузисса чьунну дакИийн дагунни.

Тун тайлабацИу хьун Амри Шихсаэдовлуца, Ахед Агъевлуца, Расул Махаммадовлуца, Хажиевлуца, Маматахан Агларовлуца, Рабадан Махаммадовлуца, Патимат Тахнаеваца чьиву-чьивусса затру лахъхьин.

## Элмулуха хьакьну кьуллугъ бувманая



Ахед Агъев

Бусанна Ахед Хажимурадовичлулсса дахлаврия, гьашину ванан 100 шингу хъанай духъувкун, республикалул хьуниминнал, жяматрал ва даталухгу кьулагъас дувансар тисса хьул бивхуну. Дагусттаннал паччахьлугърал университет кьуртал бувайхту, на Ахед Агъевлул аспирант хьуссияв. 1991 шинал на Сириянава ттула тарихийсса ватандалийн, Дагусттаннайн, занахъуссияв. Ттул пухъулуннал, ттул жулла фамилия дулаврицИун, ттувун тарихийсса миналухсса, культуралухсса ва тарихрахьсса ччавугу дуртуна. Занахуну, ДГУ-лул тарихийсса факультетту кьуртал бивну, дипломрал давриху зун ивкИссияв. «Современное геополитическое положение Дагестана» тисса ца дия дипломрал даврил. Гьирарай литературалул, архивирттал материал датлай, аьрабнал канилчирурдал увцуну, экспедициярттай таманса шяраваллаву увкссияв, канттул агьалинашал кьул хьуссияв. Элмийсса каялувчи Амри Шихсаэдовлул маслихатрайн буну, лавгра дипломрал даву рецензия чичиншиврул профессор Агъевлулчан.

Тайламур бусан, цубутИуй на сусруххалу увкссияв, ттулла даву хьунасса алимчунал, чичул, профессорнал кунттихьхун дириянай душиву кьулну. КИхИуллану унува, лавгра профессор яхъанакьисса Оскардул кучалийсса кьатлувун. Агъевлул, диаспоралу тагъар цукунсса дур куну яхши-хаш бунуна. Яла, ттул даву ххилтИу дурну, барчаллагъ увкуну, Дагусттаннал халкьуннал агьамсса темалуха зий ушиврухлу. Ганал ттухь кьива гьантлува рецензия хьадурну дикИантИшиву буссуна. Кьива гьантта лагайхту, лавгра ганачИа. «Вил даву кандидат хьунсса гьанулун ласунсса даву дур, агар ина хьиривляврил ххуллия акъаччарча, диссертациялуху зун аьркинссара», – увкуну ттухь Агъевлул. Рецензиялий дипломрал даврин лахъсса кьиматту бившуну, аспирантуралувун уххан маслихат буллау ушиву ккаккан буну бия. Ухра аспирантуралувун 1997 шинал. Ахед Хажимурадович ттул элмийсса каялувчи хьун рязи хьун

Ахед Агъевлул хьинну кьула Дагусттаннал этнополитикалул тагъар, хъанакьисса ишру, аьшуйн шун буну, бувчИинну бусайва.

на. На ганал элмийсса давуртту ккалаккийни, махИаттал хъанан икИайссияв, ца инсаннаша вайкьсса чьивусса, хьун-хьунисса масъалартту гъаз буллалисса макьалартту, гьарзат хисавравун ларсун, магьирну цукун чичин бюхъайссар тий. Элмийсса шаллу-ккурккисса командалул кьаданну шахъан дурсса давуртту дия! Га ия хьинну захимат ххирасса, гужсса память дусса, аькьилсса алимчу. Ахед Хажимурадовичлул ттуин цацанма оьвчайва, диссертациялул гьалатИ ккаккан байва, мюрш икИлай, хисав ласлай, ххаллилсса маслихатру байва. Ганан хьинну кьула Дагусттаннал этнополитикалул тагъар, хъанакьисса ишру, аьшуйн шун буну, бувчИинну бусайва. Мунишухъа, га ия чувшиву дусса, даки марцИсса алимчугу. Масалдаран, 1957 шинал ганал «Дагправда» кказитрай гъаз бувссия Дагусттаннай аьраб маз лахъхьин буллан аьркиншиврул масъала, чивчуссия статьярдугу. Та шпурттуву ва мадара сирсусса давуа. Агъевлул, ци тема аьч дуллау ухьурчагу, чичаймур чичайва кутану, бувчИинну, хьуччарду хьхьичИун ласлай. Яла гужмур асардив ттуин биян бунна рувХанийсса ишккаку Мухаммад Ярагьский чивчусса луттирал. Алимчунал элмийсса ирс-ххазиналуву цахъсса кьану бугьлагьиссар Шурагь Мавраевлул типографиялий итабавкьусса аьраб мазрайсса «Асар Алягири» тисса луттирал. Профессор Агъевлул жунма Ярагьскийл трактатирттал кьимат бувчИин буссар, гьамин, му луттирал хьиндай-дихьу дурссар Дагусттаннал рувХанийсса интеллигенциялул ца яла хьхьичИунманал оьрмугу, элмугу лахълай байбишаврил. Ахед Хажимурадовичлул ттул маслихат бунна Дагусттаннал цивилизациялул масъаларттан хас дурсса даву чачИу чичин. Вагу ттуин дурсса хьуннасса вихшалагу хьуннасса алимчунал ттул чьарав ацансса чарангуа. Пухъулуннал тарих ва культура на лахълахъавриву хьунмасса биялагу, бутлагу буссар ттул учительтурал, цанихьсса алимтурал, элмулуха хьакьну кьуллугъ бувминнал. Миннаву ца яла бусравмур ххуттай уссар Хажимурадулул арс Ахед Агъев.

Шафи АКУШАЛИ  
Таржима  
Патимат РАМАЗАНОВА

Дин, иман, ислам

# Динийсса форумрал буци ва тарг



## Хъиндайдихъу МахIачкъалалив

Май зурул 27-нний МахIачкъалалив хъунни дунияллул халкъуннал дянйивсса Жагьилтурал динийсса форум тIитлатIисса шадлугъ. Ва ацIилчинсса форумри Дагъусттаннай хъанакъисса. БавтIцирив барча буллалисса махъ лахълай, Республикалул ХIукуматрал хъунаманал хъиричIу Рамазан Жагьпаровлул дакIнийн бувтуна 2014 шинал ва форум бувансса маслихIат бувшиву МахIачкъалалал ва Грозныйлул архиепископ Варлаамлул, ва даву Дагъусттаннал ХIукуматрал, Муфтиятрал ва Ягъудинал ккуруаннал советралгу хъинчулий ккаркшиву ва аьдатравун дагъшиву. Ванал кIицI лавгунни, форумрал личIи-личIисса диннал ва миллатирттал дянйивсса душиву цIакъ дувавриву бутIа бивхъушиву ва шиная шинайн ванил даву магьир хъанай душивугу. Форумрай ихтилатру бувна Дагъусттаннал муфтинал хъиричIу АхIмад МахIаммадовлул, МахIачкъалалал ва Грозныйлул архиепископ Варлаамлул, ягъудинал ккуруаннал председател Валерий Дибияевлул, Татарстаннал муфти Камил хазрат Самигулинлул, Къалмуькнал буддистьтурал ккуруандалул

объединениялул вице-президент Сергей Киришовлул, Египетнал муфтинал маслихIатчи, шайх Усама Сайид аль-Азхарийл.

## Дарбантлив

ХъиричIу кIини Дарбантлив Нарын-Къалалив дия Дунияллул халкъуннал дянйивсса динчитурал конференция «Религия в современном информационном пространстве: национальные и интернациональные аспекты». Ва конференциялул дайдихъу дуллалисса махъ лахълай, республикалул национал политикалул ва диндалул иширттал министр Энрик Муслимовлул, бавтIцирив Дагъусттаннал БакIчи Сергей Меликовлул цIанияту барчагу бувну, кIицI лавгуна конференция Дарбантлив, диндалул ва культуралул ххазинарду ппивгу, цIакъгу хъусса кюрттарай, цивилизациярттал кюрттарай душивугу мягна дусса иш бувшиву. «Шикку гьарзат хIала-ккалану дур: тарихийсса, рувхIанийсса мархри ва мягьрипатрал гьанурду. Ва шанна диндалул шагьру. Аьрасатнавун вай динну дуркIссагу Дарбантлийяр. Конференция Дарбантлив душавугу ми цимурца жуцIара кьиматрай душиврул лишанни», – увкунни Муслимовлул.

Ихтилатру бувсса Дагъусттаннал муфтинал хъиричIу АхIмад МахIаммадовлул, Ливаннаясса хъамаличу, шайх Хилал АхIмад Тур-

кманийл - Триполи шагьрулийсса Тарабулус мизитрал иманал, Аль-Мадж исламрал центрданул хъунаманал, динну ва миллатру личIи къабуллай, бавкъуну яхъанакъавриву жунна рахIатшиву душиврул тема гъаз дурна. Иеромонах Григорийл (Матрусов), мубараксса Къурандалул луттиравасса аятругу дурккуну, кIицI лавгуна жулва цинявннал ца аьмсса тарих ва бучIантIимур бувшиву, аьмну цинявгу Заннайн мютIийну яхъанан аьркиншиву. Интернетрал уттизаманнул агъалинайсса биалалия бувсуна Къалмуькнал буддистьтурал вакил, Аьрасатнал Жьаматийсса палаталул вакил Сергей Киришовлул. Луганнал Халкъуннал Республикалул муфти Ильдар Гамбаровлул барчаллагъ увкуна фашизм ва неонацизм духлаган дуллалисса вирттаврахъ, бувсуна миннаву чIявусса дагъусттанлул бувшиву. Вара тема аьч дурна Луганскалиясса архимандрит Макарийл. Ванал бувсуна Магьриб къахъуйсса затру ялув духIлай бувшиву, миннан ччимур хъун къаьркиншиву. Ихтилатру бувна Дамаскалал муфти, Исламрал институтрал ректор, доктор, шайх АьбдулпаттахI аль-Бизмллул, Иорданиянавусса Амман университетрал факультетрал декан, шайх доктор Амжад Рашидлул, Йеменнаясса профессор, шариьатрал элмурдал доктор шайх Саиб Аьли МухIаммад аль-Асрил.

## Педагогикалул университетраву

Форумрал мукьилчинмур кьини кьатIаллил билаятирттаясса ва регионанаясса хъамал хъунабавкъуна властирдал органнал вакилтурашал, вузирдал студентьтурашал ва преподавательтурашал. Дагъусттаннал паччахIлугьрал педагогикалул университетравун бивуна шайх, доктор АьбдулпаттахI аль-Бизм, Дамаскалал муфти, Исламрал институтрал ректор Аль фатх аль ислами (Сирия) ва иеромонах Григорий (Матрусов). Ххачпараснал ва бусурманнал диннал аьлимтурал гъаз бувна, дунияллий хъанакъимуних, оьрмулул иширттах жура-журасса ябитавуртту духьурчагума, инсантал кувннашал кув ссавурданий гьалгъа тIун аьркиншиврул масъала. Иеромонах Григорийл (Матрусов) Къурандалувасса аят дурккуну, «Жува Заннал личIи-личIиссану ляхъан бувссагу кувннан кув бувчIланшивруллу» тIисса.

## Халкъуннал хозьйствалул институтраву

Дагъусттаннал паччахIлугьрал халкъуннал университетравун ивунни шариьатрал элмурдал доктор, профессор Саиф Аьли МухIаммад Аль-Асри (Йемен). Ва мероприятиялий гуртту хъунни вузрал ректор АхIмад Бучаевгу. Диндалул вакилтал, аьлимтал, бурсавсса шайхтал хъунабавкъунни Дагъусттаннал цайми вузирдаву ва колледжирттаву дуклакисса студентьтурашалгу.

## Бувгъунни мурхьругу

Шаннагу диндалул вакилтураул уртакъну «Бургъил зума» тIисса оьрчIансса лагерьданий бувгъунни мурхьругу. Национал политикалул ва диндалул иширттал министр Энрик Муслимовлул кIицI лавгунни ва, экологиялул акция хIисаврайсса даву душивруцIун, шаннагу диндалул душиву цIакъ дуллалисса давугу хъанакъишиву, мурхьру цивпагу оьрму тIугIайх бичаврил, иш бачаврил, бюхъаврил лишан хъанакъишиву.

ПатIимат РАМАЗАНОВА

## Жижара



**ИМРАННУЛ АРС РАБАДАНОВ РАМАЗАН**

Вай гьантрай мукьIал лахълахъиссар 1-мур ЦIувкIратусса Мьямахъал Имраннул ва ПатIиматлул арс Рабаданов Рамазан хар-хавар бакъа дунияллия лавгун. Ва, Медициналул техникумгу бувккуну, ккарччал техникнал касму лархъхъусса пишкар ухьурчагу, машинартту бакъин байсса касмулий зий уссия. Имраннул цанмагу лавхъхъуну, оьрчIангу машинартту бакъин буван лахъхъин бувссия. Амма Имраннул ва ПатIиматлул мукъагу арснал оьрмурду кутIасса льявкъунни, ца ва Рамазанъа усса мукъунная ливчIисса, утти вагу лавгунни ахиратравун. Рамазан дакI-аьмал хъинсса, инсаннан къаччан бикIан къабайсса, захIмат ххирасса, кару магьирсса уссия. Ванал арсру, Адам ва Имран, дуклай бур, ца - институтраву, цагу - лицейраву. Кулпат Эльмира 40-мур школайий ингилис мазрал дарсру дихълай бур.

Рамазан дунияллия лагаврил кьурчIишиву кIидачIлай, жижара буллай буру ниттихъ ПатIиматлухъ, арсурваврахъ, кулпатрахъ Эльмирахъ, куянацIа хъусса Басирачулухъ, цинявгу гъан-маччацириннахъ. Цалвагу ЦIувкIуллал жьамат Рамазаннул бивкIу бювххун бур, ниттихъхъун, ПатIиматлухъхъун, махънахъхъун ва кьурчIисса дард духIансса ссавур Аллагьнал дулуннав тIий, дуаьрдай бур. Рамазаннул къабуллумур оьрмулул бутIа арсурвавра ххи бувну льякъиннав, цув алжаннул ххари аннав!

1-мур ЦIувкIуллал жьамат

## Зулайхат ТАХАКЪАЕВА

БавтIиминнахъ аьла-ссалам бунни министр Энрик Муслимовлул, Аьрасатнал Виричу Загъид Загъидовлул, архимандрит Макарийл бакIчину форумрай гуртту хъун бувкIисса Луганскалал Халкъуннал Республикалиясса динчитурал.

«Дунияллул халкъуннал дянйивсса жагьилтурал диндалул форумрай гуртту хъун бувкIисса Луганскалал Халкъуннал Республикалиясса хъамаллуран ччан бивкIунни хIакъину, хIакъсса зунттал хъаннишал хъунагубавкъуну, зухъ виртталсса арсру тарбия баврихлу барчаллагъ учин. Иш мукун багъунни: шиннардил мутгалий жушалава уссушиврий ялапар хъанай бивкIисса Украина хIакъину Западрал мурадру бурчIаврил майдандалийн кIура бавну, цала тарихрайн ханну був-

# «Зул арсру – хIакъсса виртталли»

Жула республикалий хъусса Дунияллул халкъуннал дянйивсса Миллатирттал политикалул ва диннал иширттал министерствалий хъунни диндалул конфессиярттал вакилтурал Украиннал аьршарай нанисса хасъсса аьралий операциялий жанну дуллусса аьралитурал ниттихъашалсса ва шахъаннишалсса хъунабакъаву.



кун, урчIра шинал манзилданий оьрус мазрай гьалгъа тIутIисса инсантурашал дьяви баян бувну бур. Зун барчаллагъ, чувшиврул бурж биттур бан махъаллил къавхъусса хIакъсса вирттал тарбия баврихлу. Жу вайнная пахрулий буссару», – увкунни Энрик Муслимовлул.

Луганскалиясса хъамаличув архимандрит Макарийл барчаллагъ увкунни жард къакуну тIайлашиврул ва хъиншиврул ххуллий талай бивкIисса аьралитурал ниттихъахъ, шахъаннихъ ва ссурваврахъ.

– Хасъсса аьралий операциялий гуртту хъанакъими хIакъсса виртталли, Ватандалул оьвчайхту, урчIра шинал мутгалий ккуллардалу ва къиялулу бивкIисса жул

агъалинан кумагран бувксса. Зул оьрчIал язи бувгъуну бур къадар – Ватандалул ххуллий жан дулун хIадурсса. Талаталан яла аьркинмур кулпат чIарав бувшивур. ХIакъину хасъсса аьралий операциялий, миллатрахъ ва диндалухъ къабурувгун, жува хъачIрай хъачI дирхъуну талай буру тIайламунил ххуллий, славяннал миллатру бухлаган бан ччисса Западрайн данди бавцIуну. Зул кулпатирттал ялун бивсса оьзру – му жунгу цацIусса къювур. Вихну буру жушара цацIу дух дан бюхъантIишиврийн Западрал мурдалсса ва оьхIалсса идеология, – увкунни Макарийл.

Сапижат МахIаммадрасуловал бувсунни цалла ккуруандалул чялишсса вакилтурая ва вайннал дуллалисса даврия.

Аьралитурал ниттихъал ва шахъаннил барчаллагъ увкунни хъунабакъаву сакин дурминнахъ.

### Лакрал халкъуннал учаларттава

На чувра чин бигъассар, чувшиву дан захматссар.

Дус ан бигъассар, яан захматссар.

Кия акъирча, къун бутайссар.

Цаламиннал ттуккуй итарчан, чилминнал чайн лахъан айссар.

Чаххул ххуйсса бухъурчан, мурчи душнингу лас лякьайссар.

Хъамаличу хладурну унугу, къатта хладурну къабиклайссар.

Вацлугу чакъал чан къашайссар.

Вевлийну мурадирин ияйссания, ттуккуя шагъ хъунссия.

Украмур ххирану дацлайссар.

Анаварсса щин хъхъирийн къадийайссар.

Хъун урцлугу чивинунияр чилири урцлугу хъунну хъинссар.


Ца заралгу ца хайрди.

Магъи дакъа эяв циниц дачайссар.

Ччитуххал хъувкун, килулл ласу бухлайссар.

### Чунлахъиялун

Кияминнул 2 ходрай мат дихълай бур.



хррл'г'г'8л'к'у'9д'л'г'г'1



## «Илчи» – маслихатчи ОьрчIру буруччаврил къинилун хасну



### ТалихI бусса оьрчIрур талихI бусса инсанталну хъуни шайсса

Цири оьрчIан аьркинсса талихI бусса, цайра цалла дакI дарцIусса инсанталну хъуни хъуншиврул? ТалихI бусса оьрчIшиврун къатта бувцIусса игрушкартту ва цаннияр-ца ххуйсса яннарду къагъассар. ОьрчIан яла аьркинмур – му багълух ласун къашайсса, жура миннашал гъан дурсса чIунни, миннахасса къайгъур. ОьрчIан мудару асар хъанан аьркинссар нину-ппу чIарав бушиву. Оьрмулул хъуниминнанив ччяни хъамадитай оьрчIшиву, га чIумал цивппа ссах мюхтажну бивкIсарив, цанна ссал агъамшиву диркIсарив, ссайн къаччан бикIлай бивкIсарив.

ДакIнийн дутияра зуламур оьрчIшиву: яла талихI буми чIунну, муттарду цуми бивкIсарив, зула чIарав ца бивкIсарив, зува ссая ххарину бивкIсарув.

ОьрчIру, оьрмулул 5 шинаву бикIу, 15 шинаву бикIу, мудару мюхтажну буссар нитти-бутгал, оьрмулул хъуниминнал тгюнгъашиврух, вайннан мудару кIулу бикIан аьркинссар нитти-бутган цивппа ххирану бушиву. Шайссаксса чIявуну хъамала багълугъияра оьрчIайн, ми ххира буллалаяра.

ЧIумуя-чIумуйн буруглаги дуняллух оьрчIал ярунних. Мунал тIутIимуних, мунал дуллалимуних буняялану буруглаги. Зула

оьрчI аьгIийни, паракъат улувара, хъяхъийни, мунашал архIал хъяхъияра.

ОьрчIая вундеркинд, чемпион, цимурцаннуву хъхъичIумна, цалчинма маулардича, хъхъичIа-хъхъичI инсансса инсан уллалы, лагма-ялттунацIунгу авкъусса, оьрмулувугу цала дакIниймур иширайну шаллу буван бюхъайсса.

Зу зула оьрчIал хъхъичI мунасса эьратну бикIан аьркинссару. Зула оьрчIру зунма цукун къущу тIий ччай бушиву, мукунсса бикIан аьркинссар зул багълубизугу, тIул-тIабиагту.

Хъусса гьалатIрахлу, аьйкъаврихлу, аьркиннийгу-къа-

аьркиннийгу оьрчIахун дяьви мабулларди. ОьрчIан бувчIин буллалыра тахсир къашайсса, гьалатI къаитххяххайсса цучIав къаикIайшиву – я зува, оьрмулул хъуними, я оьрчIру.

ОьрчIан кIулу бикIан аьркинссар бучIимур ва къабучIимур, рирщуну дикIан аьркинссар къадагъамунил дазу. Хъуниминнал ва даву къадуварча, оьрчI гьалатIирттайну цува ачинтIиссар вай дазурду ххал дуллай. Мунияту хъуниминнахсса биялар оьрчIру цанма ххирану бацIантIисса гьалатIирттая махъаллил баву

Цахлур цалла жаваб дуллан лахъхъиншиврул, оьрчIан цал лахъхъин аьркинссар цайнува цалва хIукмурду къамул буллан, бити жулва, хъуниминнал, ярунних мюрш-къюршну чIалачIисса иширттаву бунугу, гихунмайрив – буняяласса, хъунисса иширттавугу.

ОьрчIан танмихI баву ишла дуллалыра бувансса цамур бакъани. Тарбиялуву гуж хIаламур къяйдалул ххуйшивугу, хIасилгу му чанну ишла давривур дусса.

ОьрчIан къабучIимурнир бучIимур чIярусса дикIан аьркинссар. Мунияту зуннасса дигьалагруну оьрчIахъ аьркиннийгу-къааьркиннийгу «къа» матIри.

ОьрчI тачIав ва щихачIав лашан мауларди, я чIаххуврал оьрчIаха, я ца классраву дуклакисса оьрчIаха, пулан вяр ххуйну дуклай ур, вяр ххуйну кумаг буллай ур тIий. Ванийну зу зула оьрчIаву цалва яруннил хъхъичIисса цалва къимат, бусрав ялавай буллалиссару.

ДакIний битияра: талихI бусса оьрчIрур талихI бусса инсанталну хъуни шайсса.

**ХIадур бувссар  
Бадрижамал АБЛИЕВАЛ**

### МАХIАЧКЪАЛА

Ит	Ттл	Ар	Хм	Нж	Ххл	Ал
5	6	7	8	9	10	11
ДЯРКЪУ-ГЪИЛИШИВУ (°C)						
+27	+27	+26	+25	+26	+27	+27
+21	+22	+21	+21	+20	+20	+21
МАРЧ (м/с)						
8	10	13	6	9	4	5
ГЪАРАЛ(мм)						
0	0,2	0	0	0	0,4	0,5

### Гъавалул тагъар

Ит	Ттл	Ар	Хм	Нж	Ххл	Ал
5	6	7	8	9	10	11
ДЯРКЪУ-ГЪИЛИШИВУ (°C)						
+22	+19	+15	+17	+23	+23	+21
+13	+12	+12	+10	+11	+14	+13
МАРЧ (м/с)						
6	6	4	3	3	5	7
ГЪАРАЛ(мм)						
6,3	7,9	8,8	4,2	1	10,8	9,9

### ГЪУМУЧИ

gismeteo.ru

gismeteo.ru



Газета «Илчи» (Вестник)

Учредитель:  
Агентство информации и печати  
Республики Дагестан

Хъунама редакторнахлу:  
БАШАЕВ Р.М.  
Тел.. 65-00-07

Къардашов Р. Ав. Тел. 65-03-12  
хъунама редакторнал хъиривма

Редколлегия:  
Адамов АбдурахIман  
МахIаммадович  
Аьлиев ХIажи Сулайманович  
Исрапилов Артур Анварович  
КъурбанмахIаммадов Чанкура  
Рамазанович  
Маммаев Сулайман  
Нураттинович  
МахIаммадов Юсуп ХIамидович  
Хаппалаев Аслан Юсупович  
Хасаева Гульшан Рамазановна  
ХIажимирзаев Зиябуттин  
Абусупиянович  
Шалласуев Шалласу Рамазанович  
Эльдарова Роза ХIажиевна

Отделал редактортал:  
Абдуллаева А. П.  
Аьдилов ХI. А.  
Рамазанова П. ХI.  
Тахакъаева З. К.

Корреспондентъгал:  
АбдурахIманова З. Т.  
Аьлиева Б. Д.  
Саидова И. А.

Корректор:  
АхIмадова А.И.

Кказитрал компьютерданул цех:  
Абакарова К. Н.  
ХIажиева З. У.

Кказитрай дурксса макъаларттаву кIицI лавгмур тIайлашиврул жаваб дулайссар чивчуманал. Редакция макъалалул залуннал пикрилий рязину бакъахъурчагу, макъала ричайссар, жяматрал цаламур пикри бусанссар тIисса ниятрай. Кказитрайн дуркIисса макъаларттайн рецензия къачичайссар ва ми залуннахъхъун зана къадайссар.

Кказит буккайссар нюжмардий цал. Шинай итабакъайссар 52 номер.

Кказитрал индекс. П7046  
Тираж – 2000 экз.

Адрес редакции и издателя:  
367018, г. Махачкала,  
пр-т Насрутдинова, 1а  
e-mail. ilchi@rambler.ru  
http://ilchi.info  
Тел./факс. 65-00-07

Газета «Илчи» зарегистрирована  
Управлением Федеральной службы  
по надзору в сфере связи, инфор-  
мационных технологий и массовых  
коммуникаций по РД.  
Рег. ПИ № ТУ 05-00424  
от 30.04.2019

Газета «Илчи» отпечатана  
в типографии ООО «Издательство  
«Лотос».  
367018, РД г. Махачкала,  
Пр-т Насрутдинова, 1а  
Срок подписания в печать 19.00.  
Подписано 19.00.

Цена свободная



4 651116 280051